



□ 12  
2890  
23





門 口 12  
號 2890  
卷 25

春秋啖趙集傳纂例卷四

唐 陸 涇 纂

朝聘如例第十五附錫命例 歸田邑例 乞師例

啖子曰人君相見曰朝使使致問曰聘此皆受之於廟以重禮也他國來魯朝聘皆書之朝朝也以朝時相見也聘問也魯君及卿往他國則曰如如往也

趙子曰朝聘諸侯必有婚姻之好疆場之理故王者不

絕其交焉周禮有朝聘之義春秋之代則多自於黨仇矣言春秋時

諸侯自恣凡如此事多於黨仇而為之也皆國之大事故君子志之此解書

其邪正則存乎其文矣不合禮者則議之穀伯鄧侯曹世子之類是也





朝

隱十一年春滕侯薛侯來朝

桓二年春滕子來朝 秋七月紀侯來朝 六年冬

紀侯來朝 七年夏穀伯綏來朝鄧侯吾離來朝

趙子曰名之 九年冬曹伯使其世子射姑來朝

穀梁云 十五年夏邾人牟人葛人來朝 公羊曰

參譏之 禮也 用夷 禮也

莊五年秋郟犁來來朝 左氏曰 二十三年夏蕭叔

朝公 啖子曰始封附庸之君故 二十七年冬杞

伯來朝

僖五年春杞伯姬來朝其子 穀梁曰 七年夏小邾

子來朝 十四年夏六月季姬及鄆子遇于防使

鄆子來朝 啖子曰 二十年夏鄆子來朝 二十

七年春杞子來朝

文十一年秋曹伯來朝 十二年春杞伯來朝 秋

滕子來朝 十五年夏曹伯來朝

宣元年秋邾子來朝

成四年三月杞伯來朝 六年夏六月邾子來朝

七年夏五月曹伯來朝 十八年秋杞伯來朝

八月邾子來朝



襄元年秋邾子來朝 六年秋滕子來朝 七年春

邾子來朝 夏小邾子來朝 二十一年冬曹伯

來朝 二十八年夏邾子來朝

昭三年秋小邾子來朝 十七年春小邾子來朝

秋邾子來朝

定十五年春邾子來朝

哀二年夏滕子來朝

啖子曰凡書朝皆人君也禮所謂諸侯相朝兩君相見也

趙子曰穀梁云天子無事諸侯相朝時正也考禮修德

以尊天子也按春秋諸侯不事天子自以強弱相制無

考禮修德之事左氏云凡諸侯即位小國朝之此乃春

秋事霸者之宜非常事也據周禮五等之制以牧伯帥

之則必合相朝但不知合幾年一行耳其正禮不可得

而尋也左氏昭十三年有朝聘之文故趙子論之見辨疑中公羊曰諸侯來曰朝

按諸侯以他事來者多矣不可悉云朝

諸侯非朝事來者

桓五年冬州公如曹 六年春寔來趙子曰王臣外交非禮書日寔

來義見本傳

莊三十一年六月齊侯來獻戎捷趙子曰謬文當云齊人



僖二十九年春介葛盧來左氏云公在會故不言朝冬介葛盧

來啖子曰不廟受故不言朝

襄十八年春白狄來義與介葛盧同三十一年冬十月滕

子來會葬啖子曰非禮也

定十五年夏邾子來奔喪公羊曰非禮也九月滕子來會

葬啖子曰非禮也

啖子曰凡諸侯來而非朝者各書其事皆譏之也介葛盧白狄不行朝禮又無他事故但曰來

聘

啖子曰聘者致君命也主人受之於廟以重禮也

趙子曰禮以通好曰聘聘妻聘士同此義公羊曰大夫來曰聘

按大夫以他事來者多矣不可悉云聘

王臣來聘

隱七年冬天王使凡伯來聘 九年春天王使南季

來聘

桓四年夏天王使宰渠伯糾來聘趙子曰名之譏其失禮也五

年夏天王使仍叔之子來聘公羊曰譏之者子代從政也八

年春天王使家父來聘

莊二十三年春祭叔來聘啖子曰不言使見其專往也書聘明其假王命以外

也交



僖三十年冬天王使宰周公來聘

宣十年秋天王使王季子來聘

啖子曰周禮云天子時聘以結諸侯之好人君亦有聘士之禮穀梁曰聘諸侯非正也言天子不當聘諸侯殊誤矣

趙子曰王政行也天子使使聘於諸侯所以洽恩惠考政典春秋之聘通好命耳

外大夫聘

隱七年冬齊侯使其弟年來聘

趙子曰將國命大夫之事書弟譏之

桓三年冬齊侯使其弟年來聘

義同隱七年

莊二十三年夏荆人來聘

啖子曰凡夷狄朝聘當稱人君臣同辭

二

十五年春陳侯使女叔來聘

傳無事迹啖子曰書字之義益如祭仲單

伯之類

僖三十三年春齊侯使國歸父來聘

文四年秋衛侯使甯俞來聘 九年冬楚子使椒來

聘不稱氏義見名位例

十二年秋秦伯使術來聘

宣十年冬齊侯使國佐來聘

成三年冬十有一月晉侯使荀庚來聘衛侯使孫良

夫來聘 四年春宋公使華元來聘 八年夏宋

公使華元來聘 冬晉侯使士燮來聘 十一年



聘 春晉侯使卻孳來聘 十八年夏晉侯使士匄來

襄元年冬衛侯使公孫剽來聘 晉侯使荀營來聘

五年夏鄭伯使公子發來聘 七年冬十月衛

侯使孫林父來聘 八年冬晉侯使士匄來聘

十二年夏晉侯使士魴來聘 十五年春宋公

使向戌來聘 二十六年夏晉侯使荀吳來聘

二十七年春齊侯使慶封來聘 二十九年夏晉

侯使士鞅來聘 吳子使札來聘 三十年春王

正月楚子使薳罷來聘

昭二年春晉侯使韓起來聘 十二年夏宋公使華

定來聘 二十一年夏晉侯使士鞅來聘

趙子曰春秋之辭從簡焉凡言聘則知君使矣曷為又

稱其君以別乎不當稱使者也為來聘來盟不須書君

之不稱者 例見於後

錫命例

莊元年冬王使榮叔來錫桓公命趙子曰不稱天王 寵篡弒以贖三綱

也

文元年夏天王使毛伯來錫公命趙子曰無功德 苟錫之非禮也

成八年秋七月天子使召伯來錫公命啖子曰稱天 子蓋誤也餘



同文元年

趙子曰錫命者旌功德之由

必因褒有德賞有功乃為之也

苟錫之非

禮也

如無功德不合錫命

穀梁曰禮有受命無來錫命此說非也

按秦漢已後郡縣天下天子益尊不比三代猶就郡國加守相爵秩何得無錫命乎蓋不知譏其賞無功而遂妄為義也

歸田邑例

假田附稱田邑例義見用兵例取田邑義

隱八年三月鄭伯使宛來歸祊

趙子曰田邑先祖所命於天子也而以子

人其罪著矣

桓元年三月公會鄭伯于垂鄭伯以璧假許田

穀梁云以

璧則非假也諱易田

宣十年春齊人歸我濟西田

趙子曰濟西之地非魯盡有故言我以別之既

稱我故不須言來

定十年夏齊人來歸鄆謹龜陰之田

趙子曰前未有取謹及龜陰田

故書來以別之他國無此田故不言我也

哀八年冬齊人歸謹及闡

啖子曰此年初經書齊人取謹及闡今書歸知必歸

魯故不言來

趙子曰歸者來致之辭

雖非我本物但將與我亦皆曰歸論語曰康子歸藥又歸孔子

又曰凡歸田邑志改過也

取之非也今歸之為善

乞師例



僖二十六年夏公子遂如楚乞師

成十三年春晉侯使卻錡來乞師 十六年六月晉

侯使欒黶來乞師 十七年秋晉侯使荀偃來乞

師 十八年冬晉侯使士魴來乞師

穀梁云乞重辭也古之人重師故以乞言之又曰非所乞也師出不必反戰不必勝故重之此說是也

趙子曰天子在上而諸侯自相請師非禮也穀梁釋乞字之義而不言其大意故辨之

王臣及外大夫以裸事來者

隱六年春鄭人來渝平

趙子曰非和致隙志其尤也

桓十五年二月天王使冢父來求車

三傳竝云非禮也

莊六年冬齊人來歸衛寶

左氏云文姜請之趙子云讒納簪賂足以爲恥

文九年春毛伯來求金

義同求車

成八年春晉侯使韓穿來言汶陽之田歸之于齊

趙子

云非正也

定十四年秋天王使石尙來歸賑

啖子曰不助祭而歸賑非禮也

趙子曰凡天子卿大夫士及他國卿士非聘來及諸例

所不管者伴之于前他國下大夫及士雖接於魯亦不

得書名爲須紀其事故但稱人也凡書人之來不稱君

以使

據朝聘皆稱君以使

避不成辭也

若云齊侯使人來歸衛寶則實鄙里不成言辭也



諸書來不言君使者

隱元年冬十有二月祭伯來

左氏云非王命

二年九月紀

履緌來逆女

趙子曰下言伯姬歸于紀足知為君逆不假言使省文也

三年

秋武氏子來求賻

左氏云王未葬故不言使

桓八年冬祭公來遂逆王后于紀

公羊云使我為媒可因往逆矣或云

譏本以私來故不言使也

莊二十三年春祭叔來聘

啖子曰私行假言聘故不言王使以譏之

閔元年冬齊仲孫來

趙子曰非致成命也故不言使非有專故也故但言來所以病

齊侯而嘉仲孫也

二年冬齊高子來盟

三傳皆云稱子褒也不稱使趙

氏義同仲孫來

僖四年夏楚屈完來盟于師盟于召陵

穀梁云不言使權在屈完

也楚子意令其可盟則盟事在屈完

文九年春毛伯來求金

左氏云王未葬故不書使

十五年三月

宋司馬華孫來盟

趙子曰不稱使意與齊仲孫楚屈完義同

啖子曰凡外臣來不言君使者皆有義

諸以禱事來有書來與不書來者

隱元年秋天王使宰咺來歸惠公仲子之賵

趙子曰若不書

來者即不知何國之惠公

莊元年冬天王使榮叔來錫桓公命

趙子曰桓公已葬若不言來即

莫知何國之公故言來



文元年夏天王使毛伯來錫公命

趙子云若不言來即似魯人於王朝

受命故言來

五年春王使榮叔歸舍且賜

啖子曰承上言成風

薨不言來可知也

十五年夏齊人歸公孫敖之喪

啖子曰敖

魯大夫必知歸魯故不言來

宣十年春齊人歸我濟西田

趙子曰不言來有我字則來可知也稱我者為

濟水并貫諸國故書我以別之

成八年秋天子使召伯來錫公命

稱來義同文元年之錫

定十年夏齊人來歸鄆謹龜陰之田

趙子曰入春秋時未書齊侯取

謹及龜陰田故書來不稱我者他國無此名不比濟西田也

哀八年冬齊人歸謹及闡

啖子曰此年初齊人取謹及闡與歸田同年故不言

來又不言我無所疑也

趙子曰春秋之文從簡加減一字皆有義故分析於本

傳下

如例

啖子曰凡公及內卿往他國朝聘皆書曰如非卿則不

書若會葬則但書彼葬而已

亦謂非卿會葬者

趙子曰凡內朝聘稱如以異外也周之制朝聘也有數

朝正各如其服之數而朝

春秋畢書之

謂書朝王及諸侯

見如京師之簡也

所以傷王室之微著諸侯之不臣也凡書會遇亦如之

公如



隱五年春公觀魚于棠

魯地也左穀皆云非禮

桓十八年春公與夫人姜氏遂如齊

時會齊侯于濼從濼遂行穀日

不言及夫八伉也

莊二十二年冬公如齊納幣

公穀皆云非禮

二十三年夏

公如齊觀社

三傳皆云非禮

二十四年夏公如齊逆女

穀梁云譏娶讐女

僖十年春王正月公如齊

十五年春王正月公如

齊 二十八年夏公朝于王所

踐土也趙子曰稱王所言非京師也

尊其不地志乎朝王而已異乎盟會所

冬壬申公朝于王所

河陽也義

同踐

三十三年冬十月公如齊

文三年冬公如晉 十三年冬公如晉

宣四年秋公如齊 五年春公如齊 九年春王正

月公如齊 十年春公如齊 夏公如齊

成三年夏公如晉 四年夏四月公如晉 十年秋

七月公如晉 十三年三月公如京師 十八年

公如晉

襄三年春公如晉 四年冬公如晉 八年春王正

月公如晉 十二年冬公如晉 二十一年春王

正月公如晉 二十八年十有一月公如楚

昭二年冬公如晉至河乃復

晉辭公故復也它倣此

五年春



公如晉 七年三月公如楚 十二年夏公如晉

至河乃復 十三年冬公如晉至河乃復 十五

年冬公如晉 二十一年冬公如晉至河乃復

二十三年冬公如晉至河公有疾乃復 二十七

年春公如齊 冬公如齊 二十八年春公如晉

次于乾侯 二十九年春公如晉次于乾侯

定三年春王正月公如晉至河乃復

啖子曰凡公行書其事者皆非常也若合常禮則但言如某

卿如

桓三年秋公子翬如齊逆女為君逆也公穀皆曰非禮

莊二十五年冬公子友如陳 二十七年秋公子友

如陳葬原仲左氏云非禮啖子曰書葬原仲者著季友之私出境 二十八

年冬臧孫辰告糴于齊趙子曰譏臧孫辰為政無蓄也故以自行為文

三十二年冬公子慶父如齊

僖五年夏公孫茲如牟 七年秋公子友如齊 十

三年冬公子友如齊 二十六年夏公子遂如楚

乞師穀梁云非所乞也 二十八年秋公子遂如齊 三

十年冬公子遂如京師遂如晉 三十一年春公

子遂如晉

文元年夏叔孫得臣如京師 冬公孫敖如齊 二



年冬公子遂如齊納幣

公羊云議喪娶趙子曰婚禮又不當使公子也

五年夏公孫敖如晉 六年夏季孫行父如陳

秋季孫行父如晉 冬十月公子遂如晉 九年

二月叔孫得臣如京師 十一年秋公子遂如宋

十四年冬單伯如齊 十五年春季孫行父如

晉 秋季孫行父如晉 十七年冬公子遂如齊

十八年秋公子遂叔孫得臣如齊

趙子曰志非度也

冬季孫行父如齊

宣元年春公子遂如齊逆女 夏季孫行父如齊

公子遂如齊 八年夏六月公子遂如齊至黃乃

復 九年夏仲孫蔑如京師 十年六月公孫歸

父如齊 秋季孫行父如齊 冬公孫歸父如齊

十八年秋公孫歸父如晉

成五年春仲孫蔑如宋 六年夏公孫嬰齊如晉

冬季叔行父如晉 八年春公孫嬰齊如莒 九

年夏季孫行父如宋致女

義見婚姻例

十一年夏季孫行父如晉 秋叔孫僑如如齊 十四年秋叔

孫僑如如齊逆女

公穀皆云非禮

襄二年秋叔孫豹如宋 四年夏叔孫豹如晉 五

年夏叔孫豹鄆世子巫如晉

時鄆屬魯比之內大夫故不言及也



六年冬叔孫豹如邾 冬季孫宿如晉 七年秋  
 季孫宿如衛 九年夏季孫宿如晉 十六年冬  
 叔孫豹如晉 十九年春季孫宿如晉 二十年  
 秋叔老如齊 冬季孫宿如宋 二十四年春叔  
 孫豹如晉 冬叔孫豹如京師 二十八年秋仲  
 孫羯如晉 二十九年冬仲孫羯如晉 三十年  
 秋七月叔弓如宋  
 昭二年夏叔弓如晉 冬季孫宿如晉 三年夏叔  
 弓如滕 六年夏季孫宿如晉 冬叔弓如齊  
 八年夏叔弓如晉 九年秋仲孫纁如齊 十年

九月叔孫婍如晉 十一年二月叔弓如宋 十  
 六年秋季孫意如如晉 二十三年春王正月叔  
 孫婍如晉 二十五年春叔孫婍如宋  
 定六年夏季孫斯仲孫何忌如晉義同文十八年 十年冬  
 叔孫州仇如齊  
 哀五年冬叔還如齊  
 啖子曰凡卿行除盟葬之外若有書其事者皆非常也

外相如

桓五年夏齊侯鄭伯如紀

趙子曰譏其詐

冬州公如曹

趙子

曰譏王臣外交



趙子曰外相如不書凡書皆譏也

盟會例第十六

趙子曰盟者刑牲而徵嚴於神明者也王綱壞則諸侯恣而仇黨行故干戈以敵仇盟誓以固黨天下行之遂為常焉若王政舉則諸侯莫敢相害盟何為焉賢君立則信著而義達盟可息焉觀春秋之盟有以見王政不行而天下無賢侯也或曰周官司寇有司盟掌盟載之法又禮記云殷人作誓而人始畔周人作會而人始疑如此則何獨於衰世哉荅曰周官之偽予已論之矣趙子著五經辨惑說周官是後人附益也所稱其官三百六十舉其人數耳何

得三百六十司哉作偽者既廣立名目遂有此官耳且盟誓者季世皆有之不必在周而聖人建邦創義豈先立此官禮記所言亦據二代之衰時耳

內外諸侯盟

隱元年三月公及邾儀父盟于昧 二年秋八月庚

辰公及戎盟于唐 啖子曰凡戎狄皆不分其爵號而君臣同辭 冬紀

子帛莒子盟于密 啖子曰闕文也非兩會也義見脫漏例 三年冬

十有二月齊侯鄭伯盟于石門 六年夏五月辛

酉公會齊侯盟于艾 八年秋七月庚午宋公齊

侯衛侯盟于瓦屋



桓元年夏四月丁未公及鄭伯盟于越 二年九月

公及戎盟于唐 十二年夏六月壬寅公會紀侯

莒子盟于曲池 秋七月丁亥公會宋公燕人盟

于穀丘 冬十有一月丙戌公會鄭伯盟于武父

十七年春正月丙辰公會齊侯紀侯盟于黃

二月丙午公會邾儀父盟于越

莊十三年冬公會齊侯盟于柯 十六年冬十有二

月會齊侯宋公陳侯衛侯鄭伯許男曹伯滑伯滕

子同盟于幽 啖子曰諸侯同辭而盟說具傳文趙

於諸侯也 二十三年十有二月甲寅公會齊侯盟于

扈 二十七年夏六月公會齊侯宋公陳侯鄭伯

同盟于幽

閔元年秋八月公及齊侯盟于落姑

僖二年秋九月齊侯宋公江人黃人盟于貫 五年

夏公及齊侯宋公陳侯衛侯鄭伯許男曹伯會王

世子于首戴秋八月諸侯盟于首戴鄭伯逃歸不

盟 穀梁云重舉諸侯尊世子不敢與盟也鄭伯逃

歸著其罪也啖子曰齊不為盟主故不云會齊

也 七年秋七月公會齊侯宋公陳世子款鄭世

子華盟于甯母 八年春王正月公會王人齊侯

宋公衛侯許男曹伯陳世子款盟于洮鄭伯乞盟



啖子曰王人與盟非禮也又日書鄭伯乞盟者著其逃歸不智也

九年夏公會

宰周公齊侯宋子衛侯鄭伯許男曹伯于葵丘九

月戊辰諸侯盟于葵丘重言諸侯義同首戴十五年三月

公會齊侯宋公陳侯衛侯鄭伯許男曹伯盟于牡

丘遂次于匡十九年夏六月宋人曹人邾人盟

于曹南鄆子會盟于邾已酉邾人執鄆子用之

二十一年十有二月癸丑公會諸侯盟于薄釋宋

公秋會雩之諸侯也見會例承上文故不序也二十五年冬十有二

月癸亥公會衛子莒慶盟于洮衛子衛侯也子在喪之稱也啖子曰

莒慶為魯釋怨故書之同於來魯者詳內也二十六年春王正月已

未公會莒子衛甯速盟于向二十七年十有二

月甲戌公會諸侯盟于宋前圍宋之諸侯見圍例亦承上文不別序也

二十八年五月癸丑公會晉侯齊侯宋公蔡侯

鄭伯衛子莒子盟于踐土陳侯如會穀梁云書如會於會受命

文三年十有二月己巳公及晉侯盟在晉都盟故不言地七

年秋八月公會諸侯晉大夫盟于扈趙子曰諸侯不敘公不得

與之盟也而日會諸侯盟者言公附於載書也載書不可從附與盟主之大夫敵焉也十

四年六月公會宋公陳侯衛侯鄭伯許男曹伯晉

趙盾癸酉同盟于新城趙子曰他時但就諸侯行盟禮故云某日會某侯盟

于某此即行會禮別日又行盟禮故書日以隔之也十五年冬十有一月



諸侯盟于扈

趙子曰不敘諸侯諱公之不與也言公怠於國政以致齊寇故諱之也

十七年六月癸未公及齊侯盟于穀

宣十一年夏楚子陳侯鄭伯盟于辰陵 十七年六

月己未公會晉侯衛侯曹伯邾子同盟于斷道

成五年十有二月己丑公會晉侯齊侯宋公衛侯鄭

伯曹伯邾子杞伯同盟于蟲牢 七年秋公會晉

侯齊侯宋公衛侯曹伯莒子邾子杞伯救鄭八月

戊辰同盟于馬陵 九年春王正月公會晉侯齊

侯宋公衛侯鄭伯曹伯莒子杞伯同盟于蒲 十

五年三月癸丑公會晉侯衛侯鄭伯曹伯宋世子

成齊國佐邾人同盟于戚 十七年夏公會尹子

單子晉侯齊侯宋公衛侯曹伯邾人伐鄭六月乙

酉同盟于柯陵

不重言諸侯譏尹子與盟

襄三年夏四月壬戌公及晉侯盟于長檣 六月公

會單子晉侯宋公衛侯鄭伯莒子邾子齊世子光

己未同盟于雞澤

不特言諸侯單子與盟

陳侯使袁僑如會

啖子曰不

召而自來 戊寅叔孫豹及諸侯之大夫及陳袁僑

盟

啖子曰諸侯既盟袁僑乃至故大夫別與之盟也

九年冬公會晉侯

宋公衛侯曹伯莒子邾子滕子薛伯杞伯小邾子

齊世子光伐鄭十有二月己亥同盟于戲 十一



年夏公會晉侯宋公衛侯曹伯齊世子光莒子邾子滕子薛伯杞伯小邾子伐鄭秋七月己未同盟于亳城北 二十年夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵 二十五年夏公會晉侯宋公衛侯鄭伯曹伯莒子邾子滕子薛伯杞伯小邾子于夷儀秋八月己巳諸侯同盟于重丘重言諸侯間有事也

昭十三年秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘八月甲戌同盟于平丘不重言諸侯劉子與盟 公不與盟 二十

六年秋公會齊侯莒子邾子杞伯盟于鄆陵

定四年三月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚夏五月公及諸侯盟于臯鼬重言諸侯劉子不與盟也 七年秋齊侯鄭伯盟于鹹

秋齊侯衛侯盟于沙 八年冬衛侯鄭伯盟于曲濮 十二年冬十月癸亥公會齊侯盟于黃

公與大夫盟

隱元年九月及宋人盟于宿趙子曰不書公諱與大夫盟示恥也不名大夫之罪 八年九月辛卯公及莒人盟于包來趙子



曰莒小國若不書公則嫌乎非公也屈禮以盟其卑以病公也

莊九年春公及齊大夫盟于莒

趙子曰納讐人之子損禮而盟大夫故盟書公又言大夫以盟非大夫之罪也言所以異於處父及高侯也

七月丙申及齊高侯盟于防

僖十九年冬會陳人蔡人鄭人盟于齊

趙子曰明書高侯者見其仇敵之罪也

盟之 二十九年夏六月會王人晉人宋人齊人陳人蔡人秦人盟于翟泉

文二年三月乙巳及晉處父盟

趙子曰公會之也不言公及大夫不名義同宿盟書地在晉都

秋七月及蘇子盟于女栗

趙子曰公及之也不書公諱獨與天子大夫盟

成二年十有一月丙申公及楚人秦人宋人陳人衛人鄭人齊人曹人邾人薛人鄆人盟于蜀

趙子曰楚而與其臣盟故深譏之特書公義同齊大夫也大夫不名義同宿之盟也

十有一月丙午及荀庚盟丁未及孫良夫盟

十有一年三月己丑及卻犇盟

襄七年冬十月壬戌及孫林父盟

襄十五年二月己亥及宋向戌盟于劉

趙子曰凡盟不目內

如隱元年及宋人盟于宿之類

皆指公以示恥也

與大夫敵血故足為恥也

外大夫稱人言非其罪也

據齊高侯晉處父俱書名以其霸國之強以臣敵君故罪之也他則皆自以屈禮而與之盟非彼之過故但書人而已

穀梁云可言公及人不可言公及大夫按經書公及齊大夫盟于



既何得云不可言哉詳據經意書公及人與公及大夫皆譏公屈禮而與之盟耳其書外大夫名則是罪外大夫及處父盟之類是也非外大夫之罪則但書人以譏公義例昭然

大夫特盟外諸侯

桓十一年九月柔會宋公陳侯蔡叔盟于折

莊十九年秋公子結媵陳人之婦于鄆遂及齊侯宋

公盟

公羊云書媵為遂事起也又曰大夫無遂事聘禮大夫受命不受辭出竟有可以安國家定社稷則專之可也

文二年夏六月公孫敖會宋公陳侯鄭伯晉士穀盟

于垂斂 十六年六月戊辰公子遂及齊侯盟于

鄆

成元年夏臧孫許及晉侯盟于赤棘 十八年十有

二月仲孫蔑會晉侯宋公衛侯邾子齊崔杼同盟

于虛朶

昭十一年夏仲孫纁會邾子盟于祿祥

定三年冬仲孫何忌及邾子盟于拔

哀二年春癸巳叔孫州仇仲孫何忌及邾子盟于句

釋

趙子曰凡大夫特盟公侯非禮也

言特者明更有諸侯則可兼大夫也言公



侯者明可以會子男也其無譏非強之也公子遂特會齊侯經不  
我力能強  
之故無譏  
議之彼自屈禮而盟非

內大夫與外人盟

文八年冬十月壬午公子遂會晉趙盾盟于衡雍乙

酉公子遂會伊維之戎盟于暴

成十六年十有二月乙丑季孫行父及晉郤犇盟于

扈

襄三年叔孫豹及諸侯之大夫及陳袁僑盟 十六

年三月公會晉侯宋公衛侯鄭伯曹伯莒子邾子

薛伯杞伯小邾子于溴梁戊寅大夫盟趙子曰晉侯在喪故

大夫 二十年春王正月辛亥仲孫速會莒人盟

于向 二十七年夏叔孫豹會晉趙武楚屈建蔡

公孫歸生衛石惡陳孔奐鄭良霄許人曹人于宋

秋七月辛巳豹及諸侯之大夫盟于宋啖子曰重言豹恐涉

他

外人盟

桓十一年春正月齊人衛人鄭人盟于惡曹

僖十九年夏六月宋公曹人邾人盟于曹南鄆子會

盟于邾 二十年秋齊人狄人盟于邢凡夷狄與諸侯列敘

皆稱人以便文但君 二十一年春宋人齊人楚



人盟于鹿上

三十二年秋衛人及狄盟

啖子曰凡言人

者其國人往至盟處也既至狄國中不可言人又不可云衛人盟于狄故改其文

宣十二年冬晉人宋人衛人曹人同盟于清丘

趙子曰凡會盟稱人皆不命卿也傳例見僖十八年啖子曰凡同盟者謂其盟辭同也若言大無侵小爾無我詐齊人出師魯以兵革從如此之類彼此之辭非同盟也若言同獎王室之類載書之內眾國共其信誓無彼此之異乃同盟也左氏諸言尋盟者若前是同盟尋所同盟前但言盟尋亦但言盟故知尋者申明前約而略用其舊辭也凡諸侯及王臣盟皆譏也

此解不特言諸侯盟者臣

無疑君之理故王臣在位但會而已多不與盟而其時

或有王臣與諸侯盟者皆書以示譏

交譏之也

趙子曰公羊云同盟者同欲也予謂小國被制而至豈皆同欲穀梁云同尊周也同外楚也且盟會之辭固當云同救災恤患及觀善止惡等辭豈止尊周外楚一辭而已故知啖氏說同盟之禮當矣又曰凡經不書盟而左氏言盟者皆非也

來盟

桓十四年夏五鄭伯使其弟語來盟

夏五關文

閔二年冬齊高子來盟



僖四年夏楚屈完來盟于師盟于召陵

文十五年三月宋司馬華孫來盟三人竝不言使說見聘例及本傳

宣七年春衛侯使孫良夫來盟

趙子曰來盟彼欲之也欲之故來此與外為志同義不書其誰不書內盟

者敵者也無嫌也簡辭也若言內盟則又須重書來者則辭煩也又曰公

羊云來盟者來盟于我也此說是穀梁云來盟者前定

也按但以來魯即曰來盟何必前定乎又云不言及者

以國與之也不言其人亦以國與之也按若言及又書

內卿則文煩辭重故從簡耳無他義

莅盟

僖三年冬公子友如齊莅盟

文七年冬公孫敖如莒莅盟

昭七年三月叔孫婣如齊莅盟

定十一年冬叔還如鄭莅盟

啖子曰他國來魯盟者曰來盟魯往他國盟者曰莅盟

皆為盟而行故直以盟為文也若因朝聘而盟者則先

書聘書如後乃言盟如成十一年晉卻犇來聘已丑及御犇盟文三年公如晉及晉侯盟

類之趙子曰莅盟者我欲之也與及同義不書其誰敵者也簡辭

也義與來盟同又曰公羊云莅盟者往盟于彼也此說是穀



春秋集傳卷四  
梁云內之前定之盟謂之莅盟此傳對來盟為義故云耳此說非也義已見上

平

宣四年春王正月公及齊侯平莒及邾莒人不肯穀

云不肯者可以肯也十五年夏五月宋人及楚人平趙子曰皆

書人兩貶之也

昭七年春王正月暨齊平趙子曰反及日暨罪齊取賂于燕見利亡義故以齊

求平為辭也

定十年春王三月及齊平公羊云及我欲之十一年冬及

鄭平義見定十年

啖子曰凡和而不盟曰平平者皆不言其名舉二國和平而已

趙子曰隱六年傳曰平和也穀梁曰平者成也理亦通

公羊云平者以道成也按平者但以和為義有何道乎

桓三年夏齊侯衛侯胥命于蒲

趙子曰苟爾相命會不以禮匹夫之事也非之也若以禮當

稱會遇也三傳俱言不盟穀梁又云善其約言而退按會遇

亦竝不盟皆是約言而退何得獨異其文且二君竝非

賢君又無殊異之迹據經文直譏其無人君之禮耳

會



啖子曰會者就也故卿往會於他處則書曰會某若公  
在外彼來就公則曰會公文十三年公還自晉是就之  
義也鄭伯會公于柴之類

趙子曰凡相見于外曰會彼此俱不在國中凡會遇諸侯之事  
也春秋之代則多自於黨仇矣

公會因盟而會見盟門因伐而會見伐門

隱二年春公會戎于潛 九年冬公會齊侯于防

十年春王正月公會齊侯鄭伯于中丘 十一年

夏公會鄭伯于時來

桓元年三月公會鄭伯于垂鄭伯以璧假許田義見本傳

二年三月公會齊侯陳侯鄭伯于稷以成宋亂

趙子曰言宋之惡逆自此成也以病內也 三年春正月公會齊侯于

贏 六月公會紀侯于郕 九月公會齊侯于謹

六年夏四月公會紀侯于郕 十年秋公會衛

侯于桃丘弗遇趙子曰書不遇者見衛侯之無信 十一年秋九

月公會宋公于夫鍾 冬十有二月公會宋公于

闕 十二年八月公會宋公于虛 冬十有一月

公會宋公于龜 十四年春正月公會鄭伯于曹

十五年夏公會齊侯于艾 十六年春正月公

會宋公蔡侯衛侯于曹 十八年春王正月公會



齊侯于濼

莊二十七年冬公會齊侯于城濮

僖元年八月公會齊侯宋公鄭伯曹伯邾人于榿

十一年夏公及夫人姜氏會齊侯于陽穀趙子曰記非禮

十三年夏公會齊侯宋公陳侯衛侯鄭伯許男

曹伯于鹹 十六年冬十有二月公會齊侯宋公

陳侯衛侯鄭伯許男邢侯曹伯于淮 二十八年

冬公會晉侯齊侯宋公蔡侯鄭伯陳子莒子邾子

秦人于温

文十三年冬衛侯會公于沓 十有二月己丑公及

晉侯盟公還自晉鄭伯會公于棐

宣元年夏公會齊侯于平州 七年冬公會晉侯宋

公衛侯鄭伯曹伯于黑壤

成十二年夏公會晉侯衛侯于瑣澤 十六年秋公

會晉侯齊侯衛侯宋華元邾人于沙隨不見公穀梁

云不見公譏晉

襄五年秋公會晉侯宋公陳侯衛侯鄭伯曹伯莒子

邾子滕子薛伯齊世子光吳人鄆人于戚 七年

十有二月公會晉侯宋公陳侯衛侯曹伯莒子邾

子于鄆鄭伯髡原如會未見諸侯丙戌卒于鄆義見



卒 例 十年春公會晉侯宋公衛侯曹伯莒子邾子

滕子薛伯杞伯小邾子齊世子光會吳于柎夏五

月甲午遂滅偃陽啖子云先為會又同 十一年

秋公會晉侯宋公衛侯曹伯齊世子光莒子邾子

滕子薛伯杞伯小邾子伐鄭會于蕭魚 十六年

三月公會晉侯宋公衛侯鄭伯曹伯莒子邾子薛

伯杞伯小邾子于溴梁戊寅大夫盟趙子曰晉侯在喪故也

二十一年公會晉侯宋公衛侯鄭伯曹伯莒子

邾子于商任 二十二年冬公會晉侯齊侯宋公

衛侯鄭伯曹伯莒子邾子薛伯杞伯小邾子于沙

隨 二十四年八月公會晉侯宋公衛侯鄭伯曹

伯莒子邾子滕子薛伯杞伯小邾子于夷儀按此下脫

敘昭十三年平丘二十六年鄭陵二會

定八年夏公會晉師于瓦 十年夏公會齊侯于夾

谷 十四年夏公會齊侯衛侯于牽 邾子來會

公時公蒐比蒲

哀七年夏公會吳于郟 十二年夏公會吳于橐臯

秋公會衛侯宋皇瑗于郟 十三年夏公會晉

侯及吳子于黃池

外相會



桓二年秋七月蔡侯鄭伯會于鄧

莊十三年春齊侯宋人陳人蔡人邾人會于北杏

十五年春齊侯宋公陳侯衛侯鄭伯會于鄆

僖三年秋齊侯宋公江人黃人會于陽穀 二十一

年秋宋公楚子陳侯蔡侯鄭伯許男曹伯會于雩

執宋公以伐宋

文十七年六月諸侯會于扈

趙子曰不列序諱公之不與也

宣元年秋宋公陳侯衛侯曹伯會晉師于棗林伐鄭

九年九月晉侯宋公衛侯鄭伯曹伯會于扈

十一年秋晉侯會狄于欒函

昭四年夏楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申

定十四年秋齊侯宋公會于洮

公會外大夫

成二年十一月公會楚公子嬰齊于蜀

襄二十六年夏公會晉人鄭良霄宋人曹人于澶淵

啖子曰凡公與他國卿盟則恥之會則不恥故蜀之會

書楚公子嬰齊澶淵之會書鄭良霄左氏言澶淵之會

趙武不書

左氏言晉人趙武也尊公故書人也

尊公也若如此良霄何不

尊公平蓋時會者非趙武別是未命之卿會耳而左氏



曲解之理甚乖越穀梁言蜀之會書嬰齊仇也

注言明書嬰齊

以仇敵公也

穀梁之義云處父高侯以仇故不言公而嬰齊

之仇何以書公平理亦自相反也

穀梁之義蜀之會以書公為嬰齊仇敵處

父高侯以不書公為仇敵故曰理自相反

內臣會外臣會附

莊十四年冬單伯會齊侯宋公衛侯鄭伯于鄆

文元年秋公孫敖會晉侯于戚 十一年夏叔彭生

會晉卻缺于承匡 十六年春季孫行父會齊侯

于陽穀齊侯弗及盟

趙子曰大夫求盟諸侯宜其弗盟也言公不親往也

宣十四年冬公孫歸父會齊侯于穀 十五年春公

孫歸父會楚子于宋 秋仲孫蔑會齊高固于無

婁

成五年夏叔孫僑如會晉荀首于穀 十五年冬十

有一月叔孫僑如會晉士燮齊高無咎宋華元衛

孫林父鄭公子鮪邾人會吳于鍾離

啖子曰重書會者既會士

燮又同往會吳

襄二年秋七月仲孫蔑會晉荀罃宋華元衛孫林父

曹人邾人于戚 冬仲孫蔑會晉荀罃齊崔杼宋

華元衛孫林父曹人邾人滕人薛人小邾人于戚

遂城虎牢 五年夏仲孫蔑衛孫林父會吳于善



稻 八年夏季孫宿會晉侯鄭伯齊人宋人衛人

邾人于邢丘 十四年春王正月季孫宿叔老會

晉士句齊人宋人衛人鄭公孫薑曹人莒人邾人

滕人薛人杞人小邾人會吳于向

趙子云魯書二卿志非度也義

見文十八年傳重書會者義同鍾離 冬季孫宿會晉士句宋華閱

衛孫林父鄭公孫薑莒人邾人于戚 十九年冬

叔孫豹會晉士句于柯 二十七年夏叔孫豹會

晉趙武楚屈建蔡公孫歸生衛石惡陳孔奐鄭良

霄許人曹人于宋 秋七月辛巳豹及諸侯之大

夫盟于宋 三十年冬晉人齊人宋人衛人鄭人

曹人莒人邾人滕人薛人杞人小邾人會于澶淵

宋災故 左氏云譏諸侯竟不歸宋財趙子云宋稱人亦譏其求救於人也

昭元年春叔孫豹會晉趙武楚公子圍齊國弱宋向

戌衛石惡陳公子招蔡公孫歸生鄭罕虎許人曹

人于號 九年春叔弓會楚子于陳 十一年秋

季孫意如會晉韓起齊國弱宋華亥衛北宮佗鄭

罕虎曹人杞人于厥憇 二十五年夏叔倪會晉

趙鞅宋樂大心衛北宮喜鄭游吉曹人邾人滕人

薛人小邾人于黃父 二十七年秋晉士鞅宋樂

祁犁衛北宮喜曹人邾人滕人會于扈 三十一



年春季孫意如會晉荀躒于適歷

定十年冬齊侯衛侯鄭游速會于安甫

哀六年夏叔還會吳于相

啖子曰凡會皆不書其事但言會于某處而已唯桓二年會于稷

以成宋亂襄三十一年會于澶淵書宋災故義各見本傳餘即無他故但言會而已

遇

隱四年夏公及宋公遇于清 八年春宋公衛侯遇

于垂

莊四年夏齊侯陳侯鄭伯遇于垂 二十三年夏公

及齊侯遇于穀 三十年冬公及齊侯遇于魯濟

三十二年夏宋公齊侯遇于梁丘

啖子曰古者有遇禮本制此禮恐忽有邂逅相遇簡略而行故與會禮不同時雖非相遇而從省易以遇禮相見者亦書曰遇公羊曰遇者不期也穀梁曰不期而會曰遇此並說本遇意趙子曰簡禮而會曰遇此解當時所行禮意並是穀梁云遇者志相得也按文直以所行之禮定名耳何用相得為義乎穀梁為桓十年傳云不遇者志不相得遂云遇為志相得鄙里之甚公羊又云遇者一君出一君邀之假如實然忽以會禮相見豈得書遇哉



唁

昭二十五年九月齊侯唁公于野井

公在齊地故不書來

二

十九年春齊侯使高張來唁公

上文云公至自乾侯居于鄆故但云

唁公而不書地又加來字

三十一年夏晉侯使荀躒唁公于

乾侯

在晉地故亦不言來

趙子曰弔生曰唁穀梁曰弔失國曰唁非也且古人作此字豈固為失國者為之乎自生死異文耳

啖子曰凡夫人內女本無會遇之禮時有越禮行之者

亦從而書之

莊二年夫人姜氏會齊侯于禚僖十四年季姬及郕子遇于防之類也

如師

在莊五年

饗莊四年夫人姜氏饗齊侯于祝丘

義亦同

春秋啖趙集傳纂例卷四

南海廖廷相番禺劉昌齡王國瑞校字



春秋啖趙集傳纂例卷五

唐陸淳纂

用兵例第十七

趙子曰春秋紀兵曷無曲直之辭與怪不以客主曲直為褒貶曰兵

者殘殺之道滅亡之由也故王者制之無王命及非侯伯不得興師

王政既替諸侯專恣於是仇黨構而戰爭興矣為利其利

土地及為怨以報讎怨王度滅矣故春秋紀師無曲直之異

黨與時興師雖有曲直侵伐圍入之辭皆同一其罪也其專恣罪同不一之

則禍亂之門闢矣若分曲直則謂自直者其差者差有善者

者甚者惡甚者則存乎其文矣救患為善滅同姓為惡差甚之類也又曰兵



出殊稱何也

或稱帥或稱人或稱帥師或稱某

正名位也

以辨正其將之名位王

命之大夫曰某

具名氏也

君命之大夫曰某人

王命君命卿例見僖八年

傳不稱帥師避不成辭也

成公已前侵伐稱人若言某人帥師則不成言辭

年

遠人多難詳

成公已前侵伐稱人者多不必盡是君命之卿蓋遠事難詳從舊史書人耳義見隱

元年公子

下大夫稱師

內外同此稱但以眾為文言將卑不足稱

譏委重於

卑也

兵者以凶危之事不當委之賤者

內之師少則但稱伐或稱及詳

內以異外也

外師不必能審其多少故以將之品例為名目至於內師則多者稱師莊八年師及

齊師圍郟之類是也少則但稱及稱伐桓十七年及宋人衛人伐邾八年秋伐邾之類是也

大夫書

帥師紀其為將也

使當勝敗之榮辱也

不書帥師不成師也

此指內將

也二千五百人為師不書帥師明師少也內大夫出將凡三十二不稱帥師凡十一故此例指為內言之也

外則一之莫能詳也

外大夫一切稱帥師莫能審其多少

君不稱師重君

也

此公羊舊義凡君出境必以師從重人君也况是稱伐必知師眾也

戎狄舉號賤之也

戎狄用兵不分其爵位及君臣但稱其國名而已

諸侯稱國狄之也

諸侯用兵為戎狄行者亦但稱國名而已此公羊義

帥師將尊師少曰某此例施於內師則可於外則不可

何者凡外國來告侵伐但言其將何能悉以眾寡來告乎且春秋意在褒貶其事之是非不必須知其眾寡也

故外大夫一切稱帥師內事不得云不知故須詳言其

眾寡以異於外耳公羊又云將卑師少稱人按前後稱

人以圍者凡十五

宋人圍曹鄭人圍許之類

若將卑師少何能圍國



益知外師不可以多少為目也凡內外事皆異文况用

兵大事必不一例也明矣又凡師稱罪致討曰伐稱彼

與無名行師曰侵不言罪名左氏曰有鍾鼓曰伐無日罪而

侵按前後凡書侵者齊侯侵蔡在僖晉侯侵楚在定

類皆用大師而總數國若無鍾鼓何以行師乎又狄師

亦有戰伐者豈是能有鍾鼓乎則知左氏之例非矣國

語亦有序鍾鼓為伐之義此則一門之書自相扶會不

足疑也公羊則云猶者曰侵精者曰伐此則以深者為

精淺者為猶按前後有侵師至破其國伐師不深者殊

多則公羊之例又非矣穀梁則云苞人民毆牛馬曰侵

斬樹木壞宮室曰伐按齊桓伐楚不戰而服無壞宮室

伐樹木之事又豈有二百四十二年行師悉皆如此暴

亂乎則知穀梁亦非也今以趙氏為長戎伐凡伯者大

天子之使非正例也

或問涓曰三傳侵伐之例不當理則然矣今用趙氏之

例何知必然答曰據春秋書侵者凡五十有七無事迹

者莫知其可驗者亦可略舉如僖二十六年齊人侵我

西鄙公追齊師至鶩弗及據公聞有寇追之已不及則

無名之驗也定四年大會于召陵侵楚據左氏本謀伐

楚以荀寅之言而止足明不稱罪致討只侵掠而已又



僖四年齊桓侵蔡遂伐楚文十五年齊侯侵我西鄙遂  
 伐曹宣元年楚鄭侵陳遂侵宋定八年晉士鞅侵鄭遂  
 侵衛其伐師而言遂者唯襄二十三年齊侯伐衛遂伐  
 晉一處而已此又益明為無名行師之意也又自成公  
 已前書侵者凡四十戎狄居其半即又夷狄侵掠無名  
 之驗也成公以後狄為晉所滅乃不見爾或曰侵伐之  
 文皆從告也據魯有侵有伐則非從告也又曰師眾曰伐少曰侵據魯齊  
侯侵蔡及晉侯會于召陵侵楚皆眾國故知非又曰自興師而告者曰侵據魯亦言  
外來伐此又曰興師而直曰伐曲曰侵據前後夷狄伐中國多矣豈是  
直乎故知又非也又非也推據侵伐之例已上者皆似是而非故悉不

用

已上例推前後都不成文義如此切慮學者生疑故發明也

啖子曰凡侵伐不至國都則但書侵伐而已若至國都  
 則書圍若他國伐魯不至國都則言某鄙至國都則但  
 言伐我皆不深言之理當然也又曰公羊云戰不言伐  
 圍不言戰入不言圍滅不言入皆舉重也此說是有與  
 例不合者則隨義釋之

內伐

隱七年秋公伐邾

桓八年秋伐邾

莊二年夏公子慶父帥師伐於餘丘 九年夏公伐



齊納子糾 二十六年春公伐戎

僖二十一年冬公伐邾 三十年夏公伐邾 秋公

子遂帥師伐邾

文七年春公伐邾 十四年春叔彭生帥師伐邾

宣四年春公伐莒 十年公孫歸父帥師伐邾 十

八年春公伐杞

襄二十年秋仲孫速帥師伐邾 二十二年春公伐

邾

昭十年秋七月季孫意如叔弓仲孫矍帥師伐莒

哀元年冬仲孫何忌帥師伐邾 二年春王二月季

孫斯叔孫州仇仲孫何忌帥師伐邾取濶東田及

沂西田 六年冬仲孫何忌帥師伐邾 七年秋

公伐邾八月己酉入邾以邾子益來

伐我

莊十九年冬齊人宋人陳人伐我西部

僖二十六年夏齊人伐我北部

文十四年春邾人伐我南部 十七年夏齊侯伐我

西部

成二年春齊侯伐我北部

襄八年夏莒人伐我東部 十年秋莒人伐我東部



十二年春王三月莒人伐我東鄙圍郕 十五

年夏齊侯伐我北鄙圍成公救成至遇趙子曰書

不敢至成秋邾人伐我南鄙 十六年春齊侯伐我

北鄙 秋齊侯伐我北鄙圍成 十七年秋齊侯

伐我北鄙圍桃 齊高厚帥師伐我北鄙圍防

冬邾人伐我南鄙 十八年秋齊師伐我北鄙

二十五年春齊崔杼帥師伐我北鄙

定七年秋齊國夏帥師伐我西鄙 八年夏齊國夏

帥師伐我西鄙 哀八年春吳伐我 十一年春齊國書帥師伐我

外伐

隱二年冬鄭人伐衛 四年夏宋公陳侯蔡人衛人

伐鄭 五年秋邾人鄭人伐宋 七年冬戎伐凡

伯于楚丘以歸公穀皆云大天子之使故

桓五年秋蔡人衛人陳人從王伐鄭啖子曰不言會

也 十四年冬宋人以齊人蔡人衛人陳人伐鄭

趙子曰凡不用我師而用彼師曰以言用齊蔡等兵而不自交鋒也何以知其然經書以者唯此與僖二十六年公以楚師伐齊取穀及定四年蔡侯以吳子及楚人戰于柏舉三處而已柏舉之戰左氏所敘事迹並吳楚自戰都不言蔡經下文又云庚辰吳入楚亦不言蔡師明吳楚自戰蔡不交鋒左氏云凡師能左右之日以且齊桓晉文用諸侯師悉能左右之何不言以穀梁曰民君之本也使



民以其死非正也則諸處用兵悉不能死乎范甯  
註云本非所得制而今得制之蓋言宋素不制齊  
而今制之則莊十五年宋人齊人邾人伐鄆何  
不言以又定四年蔡侯以吳子豈是能制之哉

莊十四年春齊人陳人曹人伐宋 十五年秋宋人

齊人邾人伐鄆 十六年夏宋人齊人衛人伐鄆

秋荆伐鄭 二十年冬齊人伐戎 二十八年

秋荆伐鄭 三十年冬齊人伐山戎 三十二年

冬狄伐邢

僖元年秋楚人伐鄭 三年冬楚人伐鄭 七年春

齊人伐鄭 八年夏狄伐晉 十年夏齊侯許男

伐北戎 十一年冬楚人伐黃 十五年春楚人

伐徐 秋七月齊師曹師伐厲 冬宋人伐曹

十七年春齊人徐人伐英氏 十八年春宋公曹

伯衛人邾人伐齊 冬邢人狄人伐衛 凡夷狄用  
兵唯舉國

號如與諸侯列序侵伐盟會則稱  
人以便文而君臣同辭他皆倣此 十九年秋衛

人伐邢 二十年冬楚人伐隨 二十一年秋宋

公楚子陳侯蔡侯鄭伯許男曹伯會于孟執宋公

以伐宋 二十二年夏宋公衛侯許男滕子伐鄭

二十三年秋楚人伐陳 二十四年夏狄伐鄭

二十六年夏衛人伐齊 二十八年春晉侯伐

衛 三十三年冬晉人陳人鄭人伐許



文元年夏晉侯伐衛 衛人伐晉 二年冬晉人宋

人陳人鄭人伐秦 三年夏秦人伐晉 四年秋

晉侯伐秦 七年冬徐伐莒 九年春楚人伐鄭

十年夏秦伐晉 書秦者狄之也傳無事迹凡但稱國者公羊云狄之也他倣此

十一年春楚子伐麋 十七年春晉人衛人陳

人鄭人伐宋

宣元年秋宋公陳侯衛侯曹伯會晉師于棐林伐鄭

晉師先在棐林故言會又言伐也 冬晉人宋人伐鄭 二年春

秦師伐晉 三年春楚子伐陸渾之戎 四年冬

楚子伐鄭 五年冬楚人伐鄭 八年夏晉師白

狄伐秦 冬楚師伐陳 九年夏齊侯伐萊 秋

晉荀林父帥師伐陳 冬楚子伐鄭 十年六月

宋師伐滕 晉人宋人衛人曹人伐鄭 冬楚子

伐鄭 十二年冬宋師伐陳 十二年春齊師伐

莒 夏楚子伐宋 十四年夏晉侯伐鄭 十五

年夏秦人伐晉 十八年春晉侯衛世子臧伐齊

成三年夏鄭公子去疾帥師伐許 秋晉卻克衛孫

良夫伐廆咎如 趙子曰外大夫將兵凡七十餘惟五處不言帥師闕文也 鄭

伐許 書鄭者狄之也傳無事迹 四年冬鄭伯伐許 六年夏

楚公子嬰齊帥師伐鄭 七年春吳伐郟 秋楚



公子嬰齊帥師伐鄭 九年秋晉欒書帥師伐鄭

冬楚公子嬰齊帥師伐莒庚申莒潰 秦人白

狄伐晉 十四年秋鄭公子喜帥師伐許 十五

年夏楚子伐鄭 十八年夏楚子鄭伯伐宋

襄元年夏晉韓厥帥師伐鄭 二年春鄭師伐宋

三年春楚公子嬰齊帥師伐吳 冬晉荀營帥師

伐許 五年冬楚公子貞帥師伐陳 八年冬楚

公子貞帥師伐鄭 九年冬楚子伐鄭 十年夏

楚公子貞鄭公孫輒帥師伐宋 晉師伐秦 十

一年秋楚子鄭伯伐宋 冬秦人伐晉 十四年

秋楚公子貞帥師伐吳 十七年春宋人伐陳

夏衛石買帥師伐曹 十八年冬楚公子午帥師

伐鄭 十九年夏衛孫林父帥師伐齊 二十三

年秋齊侯伐衛遂伐晉 二十四年夏楚子伐吳

秋齊崔杼帥師伐莒 冬楚子蔡侯陳侯許男

伐鄭 二十五年冬鄭公孫夏帥師伐陳 十有

二月吳子遏伐楚門于巢卒 義同鄭伯髡原如會  
未見諸侯卒于操其

文見會  
例中 二十六年冬楚子蔡侯陳侯伐鄭

昭四年秋七月楚子蔡侯陳侯許男頓子胡子沈子

淮夷伐吳執齊慶封殺之遂滅厲 五年冬楚子



蔡侯陳侯許男頓子沈子徐人越人伐吳 六年

秋楚遠罷帥師伐吳 冬齊侯伐北燕 十二年

冬楚子伐徐 晉伐鮮虞 稱晉者狄之也左氏云因假道而伐之

十五年秋晉荀吳帥師伐鮮虞 十六年春齊侯

伐徐 十九年春宋公伐邾 秋齊高發帥師伐

莒 二十二年春齊侯伐莒 三十二年夏吳伐

越

定二年秋楚人伐吳 四年秋晉士鞅衛孔圉帥師

伐鮮虞 十二年夏衛公孟彊帥師伐曹 十三

年夏衛公孟彊帥師伐曹 十五年夏鄭罕達帥

師伐宋

哀元年秋齊侯衛侯伐晉 三年夏宋樂髡帥師伐

曹 五年夏齊侯伐宋 晉趙鞅帥師伐衛 六

年春晉趙鞅帥師伐鮮虞 吳伐陳 冬宋向巢

帥師伐曹 九年夏楚人伐陳 秋宋公伐鄭

十年夏宋人伐鄭 冬楚公子結帥師伐陳 十

二年秋宋向巢帥師伐鄭 十三年夏楚公子申

帥師伐陳

會伐 以及附

隱四年秋翬帥師會宋公陳侯蔡人衛人伐鄭 十



年夏鞏帥師會齊人鄭人伐宋

桓十五年冬十一月公會宋公衛侯陳侯于袤伐鄭

十六年夏四月公會宋公衛侯陳侯蔡侯伐鄭

十七年秋及宋人衛人伐邾

莊三年春正月溺會齊師伐衛 五年冬公會齊人

宋人陳人蔡人伐衛 十四年夏單伯會伐宋齊會

陳曹也在 外伐例中 二十六年秋公會宋人齊人伐徐

僖四年春正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘趙子曰凡眾散曰潰 秋及

江人黃人伐陳 二十六年冬公以楚師伐齊取

穀趙子曰以字例見桓十四年

文三年春正月叔孫得臣會晉人宋人陳人衛人鄭人伐沈沈潰

宣七年夏公會齊侯伐萊 十一年夏公孫歸父會齊人伐莒

成三年春正月公會晉侯宋公衛侯曹伯伐鄭 八

年冬叔孫僑如會晉士燮齊人邾人伐鄭 十年

五月公會晉侯齊侯宋公衛侯曹伯伐鄭 十三

年夏五月公自京師遂會晉侯宋公衛侯鄭伯曹

伯邾人滕人伐秦 十六年秋公會尹子晉侯齊



國佐邾人伐鄭 十七年夏公會尹子單子晉侯  
齊侯宋公衛侯曹伯邾人伐鄭 六月乙酉同盟  
于柯陵 冬公會單子晉侯宋公衛侯曹伯齊人  
邾人伐鄭

襄九年冬公會晉侯宋公衛侯曹伯莒子滕子薛伯  
杞伯小邾子齊世子光伐鄭 十年秋公會晉侯  
宋公衛侯曹伯莒子邾子齊世子光滕子薛伯杞  
伯小邾子伐鄭 啖子曰世子光在諸侯上見非禮 十一年夏公  
會晉侯宋公衛侯曹伯齊世子光莒子邾子滕子  
薛伯杞伯小邾子伐鄭 秋七月己未同盟于京

城北 公會晉侯宋公衛侯曹伯齊世子光莒子  
邾子滕子薛伯杞伯小邾子伐鄭會于蕭魚 十  
四年夏四月叔孫豹會晉荀偃齊人宋人衛北宮  
括鄭公孫薑曹人莒人邾人滕人薛人杞人小邾  
人伐秦 十六年夏叔老會鄭伯晉荀偃衛甯殖  
宋人伐許

哀十年春公會吳伐齊 十一年五月公會吳伐齊  
內侵

莊十年二月公侵宋  
成六年二月仲孫蔑叔孫僑如帥師侵宋



襄二十四年春仲孫羯帥師侵齊

定六年二月公侵鄭 八年正月公侵齊 二月公

侵齊 九月季孫斯仲孫何忌帥師侵衛

侵我

僖二十六年春齊人侵我西鄙公追齊師至嵩弗及

趙子曰寇至不知追而不及言內之無戒警

文七年夏狄侵我西鄙 十五年秋齊人侵我西鄙

冬齊侯侵我西鄙遂伐曹

襄十四年夏莒人侵我東鄙

外侵

莊十五年秋鄭人侵宋 二十四年冬戎侵曹 二

十九年夏鄭人侵許

僖二年冬楚人侵鄭 十三年春狄侵衛 十四年

秋狄侵鄭 二十一年春狄侵衛 二十八年春

晉侯侵曹 三十年夏狄侵齊 秋介人侵蕭

三十二年夏衛人侵狄 三十三年夏狄侵齊

文四年夏狄侵齊 九年夏狄侵齊 十年狄侵宋

十一年秋狄侵齊 十三年冬狄侵衛

宣元年秋楚子鄭人侵陳遂侵宋 冬晉趙穿帥師

侵崇 二年夏晉人宋人衛人陳人侵鄭 三年



夏楚人侵鄭 秋赤狄侵齊 四年夏赤狄侵齊

六年春晉趙盾衛孫免侵陳 趙子曰不書帥師闕文也

成二年冬楚師鄭師侵衛 六年春衛孫良夫帥師

侵宋 八年春晉欒書帥師侵蔡 十年春衛侯

之弟黑背帥師侵鄭 十六年夏鄭公子喜帥師

侵宋 十七年春衛北宮括帥師侵鄭 十八年

冬楚人鄭人侵宋

襄元年秋楚公子壬夫帥師侵宋 二年夏晉師宋

師衛甯殖侵鄭 不言帥師闕文 八年夏鄭人侵蔡獲蔡

公子燮 十一年夏鄭公孫舍之帥師侵宋 十

二年冬楚公子貞帥師侵宋 十九年秋晉士句

帥師侵齊至穀聞齊侯卒乃還 左氏公羊皆云禮也

定七年夏齊人執衛行人北宮結以侵衛 八年秋

晉士鞅帥師侵鄭遂侵衛

哀七年春宋皇瑗帥師侵鄭 晉魏曼多帥師侵衛

十年夏晉趙鞅帥師侵齊 十三年秋晉魏曼

多帥師侵衛

會侵

僖四年春正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘 冬十二月公孫



茲帥師會齊人宋人衛人鄭人許人曹人侵陳

定四年三月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛伯杞伯

小邾子齊國夏于召陵侵楚

趙子曰凡書侵伐不書勝敗殺掠而還也主人不出戰客軍殺人掠

物而還也

王師敗績

成元年秋王師敗績于貿戎

啖子曰王師不言戰無敵也敗則但書敗而已人臣無敵君之義也故雖君能敗臣之師亦不言敗不許其有

師徒以敵君也鄭伯敗段之師曰克即其義也在隱元年但

書能破之而已時若有王師敗諸侯之師亦當言克也

但春秋時無王師敗諸侯之師故無克文也

內戰及敗

隱十年六月公敗宋師于菅辛未取郟辛巳取防

桓十年冬十二月丙午齊侯衛侯鄭伯來戰于郎趙子

日不書及罪專於外也十二年十一月公會鄭伯盟于武

父十二月遂伐宋案十二月六字春秋經無此文疑衍十二月及

鄭師伐宋丁未戰于宋十三年二月公會紀侯

鄭伯已巳及齊侯宋公衛侯燕人戰齊師宋師衛



師燕師敗績

上已言會紀鄭及鄭戰故須言敵國敗績也

十七年五

月丙午及齊師戰于奚

莊九年八月庚申及齊師戰于乾時我師敗績

趙子曰內

敗不書此書者納讎喪師以惡內也

十年春正月公敗齊師于長

勺 夏公敗宋師于乘丘 十一年夏五月戊寅

公敗宋師于鄆

僖元年九月公敗邾師于偃 冬十月壬午公子友

帥師敗莒師于麗獲莒挈 二十二年秋八月丁

未及邾人戰于升陘

文十一年冬十月甲午叔孫得臣敗狄于鹹

成二年六月癸酉季孫行父臧孫許叔孫僑如公孫

嬰齊帥師會晉卻克衛孫良夫曹公子手及齊侯

戰于鞏齊師敗績

書敗績義同桓十三年

昭五年秋戊辰叔弓帥師敗莒師于蚡泉

啖子曰凡魯勝則曰敗某師穀梁云內不言戰舉其大

者舉敗彼足知戰此說是也敗則但書戰而已不可斥言也公

羊云內不言戰言戰乃敗績也穀梁云內諱敗舉其可

道者二說竝通

趙子曰凡內戰公戰也

謂但書戰不言勝敗也

不書公諱也

義與不書

內盟者同穀梁曰不言其人

不書將也

以吾敗也

言恥敗故不書將

若實



公敗故不書公以示諱若大夫敗則名書以示罪豈有

外戰及敗

莊十年九月荆敗蔡師于莘以蔡侯獻舞歸趙子曰不日獲

見其戰之不力敗而不奔也言楚之易所以云以蔡侯也 二十八年三月甲

寅齊人伐衛衛人及齊人戰衛人敗績趙子曰敗稱人罪衛

之不服王命故異其文

僖十五年冬楚人敗徐于婁林 十八年春正月宋

公曹伯衛人邾人伐齊夏師救齊 五月戊寅宋

師及齊師戰于贏齊師敗績啖子曰據左氏事迹乃是齊伐宋也故反

常例 二十二年冬十一月己巳朔宋公及楚人

戰于泓宋師敗績 二十八年夏四月己巳晉侯

齊師宋師秦師及楚人戰于城濮楚師敗績 三

十三年夏四月辛巳晉人及姜戎敗秦于殽啖子

不言師狄之也 趙子曰及衍文也何以知之據

宣八年晉師自狄伐秦成九年秦人自狄伐晉如

此例甚多並不言及故知此衍文耳蓋舊史列序

皆以主兵者及同行者夫子修經舉主兵為首義

已明矣故悉去及字以 秋晉人敗狄于箕

文二年二月甲子晉侯及秦師戰于彭衙秦師敗績

七年夏戊子晉人及秦人戰于令狐公羊曰不言師敗績

敵也言勝 十二年十二月戊午晉人秦人戰于

負敵也



河曲

趙子曰凡戰不言及交為主也

宣十二年夏六月乙卯晉荀林父帥師及楚子戰于

邲晉師敗績

成二年夏四月丙戌衛孫良夫帥師及齊師戰于新

築衛師敗績 十二年秋晉人敗狄于交剛 十

六年夏甲午晦晉侯及楚子鄭伯戰于鄢陵楚子

鄭師敗績

楚子傷目而退其師不敗故不言師

昭元年夏荀吳帥師敗狄于太原 十七年冬楚人

及吳戰于長岸

不言敗義同文七年

二十三年戊辰吳敗

頓胡沈蔡陳許之師于雞父胡子髡沈子盈滅獲

陳夏齧

公羊曰其言滅獲何別君臣故也

定四年冬十有一月庚午蔡侯以吳子及楚人戰于

柏舉楚師敗績

趙子云以字見外伐例中桓十四年

十四年五月

於越敗吳于檇李

哀二年秋八月甲戌晉趙鞅帥師及鄭罕達帥師戰

于鐵鄭師敗績

啖子曰凡外戰皆先書被伐之國以及來伐者僖十八

年宋師伐齊宋師及齊師戰獨違常例按左氏二國已

和齊又伐宋

時宋納孝公於齊齊人將立之不勝四公子之徒遂與宋人戰

此乃齊伐

宋也故可云宋及齊戰若魯國與他國戰則皆先書魯



以及外此內外之體也凡外有不書勝敗者公羊云敵也言勝敗等也此說是左氏曰未陳而薄之曰敗某師言師未成列則非戰也又曰大崩曰敗績言功績敗散也此說為外戰例則可通如內戰用此例並非也若是未陳則曰敗某師據魯敗外師凡八皆言敗某師豈是盡未陳乎唯兩處書敗績者即別有義已見內戰及敗例中

趙子曰凡戰先主人見不服也主人服罪則不戰故戰由主人而成是以春秋

書中國之戰以主及客也又曰凡外師敵者曰戰師眾寡相敵或雖小國實有抗敵之心而戰者戰而書及以主及客也中國戰悉以主客言之也以華及夷也華謂中國夷謂吳楚此但以內外為文彼此皆欲戰罪均故不以及字為貶責之文也掩敗

之曰敗某師敵未有備我掩敗之也此外師之例公羊曰伐者為主伐者為客夫文字本以記分別今同其文誰能了之又據晉楚戰皆以晉及楚則是內中國而外四夷也又戰之道以主及客也主人服則客不戰凡戰不言及交為主也如秦初伐晉而退晉復追之至河曲交戰之類是也穀梁云秦晉之戰已亟故略之亟數戰不可悉記今按經定書日月又書地則是一戰耳何得云數哉蓋不曉交為主之意遂妄為此說

滅獲

莊十年九月荆敗蔡師于莘以蔡侯獻舞歸不書執獲義已見上



僖元年冬十月壬午公子友帥師敗莒師于麗獲莒

挈十五年十一月壬戌晉侯及秦伯戰于韓獲

晉侯

宣二年春王二月壬子宋華元帥師及鄭公子歸生

帥師戰于大棘宋師敗績獲宋華元

襄八年夏鄭人侵蔡獲蔡公子燮

昭二十三年秋吳敗頓胡沈蔡陳許之師于雞父胡

子髡沈子盈滅獲陳夏齧言滅及獲義已見上

哀十一年夏甲戌齊國書帥師及吳戰于艾陵齊師

敗績獲齊國書

啖子曰凡戰而死者君曰滅胡子沈子是也言與國滅

同也生禽曰獲獲晉侯是也言以力得之也大夫死生

皆曰獲鄭獲華元生也吳獲陳夏齧死也但舉得之也諸侯滅則書名

以其死也獲則依執例以失地不失地言之若遂失地則名之不

失地則不名蔡侯獻舞戰敗之後隨楚子歸非見獲也不言戰故

知戰敗後隨楚歸也故依國滅以歸例書名

圍

莊八年夏師及齊師圍邾邾降于齊師秋師還趙子日書

師還告廟也義見本傳

僖六年秋楚人圍許 十九年秋宋人圍曹 二十



五年秋楚人圍陳納頓子于頓納義見歸納例 二十七

年冬楚人陳侯蔡侯鄭伯許男圍宋穀梁曰楚人楚子也人楚

子所以人諸侯也 二十八年冬諸侯遂圍許遂會諸侯

圍許上會之諸侯也義在會例中 三十年秋晉人秦人圍鄭

三十一年冬狄圍衛

文三年秋楚人圍江 十二年夏楚人圍巢

宣三年秋宋師圍曹 九年冬宋人圍滕 十二年

春楚子圍鄭 十四年秋九月楚子圍宋

成九年冬鄭人圍許

襄四年冬陳人圍頓 七年冬楚公子貞帥師圍陳

十八年冬十月公會晉侯宋公衛侯鄭伯曹伯

莒子邾子滕子薛伯杞伯小邾子同圍齊穀梁云言同以

病齊

昭十一年夏楚公子棄疾帥師圍蔡

定四年秋楚人圍蔡 五年冬晉士鞅帥師圍鮮虞

十年夏晉趙鞅帥師圍衛

哀元年春楚子陳侯隨侯許男圍蔡 三年冬叔孫

州仇仲孫何忌帥師圍邾 七年秋宋人圍曹

啖子曰凡以兵圍其國都曰圍諸侯同心圍齊故特曰

同圍在襄十八年時齊背盟主數伐小國故諸侯同心圍之



春秋集傳卷五  
圍邑

隱五年冬宋人伐鄭圍長葛

僖六年夏公會齊侯宋公陳侯衛侯曹伯伐鄭圍新城  
二十三年春齊侯伐宋圍緡 二十六年冬楚人伐宋圍緡

襄元年春仲孫蔑會晉欒黶宋華元衛甯殖曹人莒人邾人滕人薛人圍宋彭城 十五年夏齊侯伐我北鄙圍成公救成至遇 十六年秋齊侯伐我北鄙圍成 十七年秋齊侯伐我北鄙圍桃 高厚帥師伐我北鄙圍防

昭二十三年春晉人圍郊 十三年莒人伐我東鄙

圍台

哀三年春齊國夏衛石曼姑帥師圍成

趙子曰凡圍他國之邑皆繫其國伐宋圍緡伐鄭圍長葛之類不繫者皆變也其義各見本傳

內圍

成三年秋叔孫僑如帥師圍棘

昭十三年春叔弓帥師圍費 二十六年夏公圍成

時昭公在外

定六年夏季孫斯仲孫何忌帥師圍鄆 十年夏叔



孫州仇仲孫何忌帥師圍郕 秋叔孫州仇仲孫

何忌帥師圍費 十二年十二月公圍成

趙子曰凡內自圍者皆叛邑義見叛例

伐國圍邑

隱五年冬宋人伐鄭圍長葛

僖六年夏公會齊侯宋公陳侯衛侯曹伯伐鄭圍新

城 二十三年春齊侯伐宋圍緡 二十六年冬

楚人伐宋圍緡

趙子曰伐國而圍邑皆書之不可徧遺也言其事輕重等故不徧舉

也公羊曰強也夫一邑之強亦何能為而特書乎且隱

五年圍長葛明年又書取若長葛能強何可取乎穀梁

曰久也據春秋書伐國而言圍邑者凡四皆已無久師見上

之事蓋見圍長葛明年書取以為經年不解圍故云爾

殊不知今年自圍明年自取耳其二傳見圍者例不言

伐故怪而發例耳凡圍不言伐自為圍國都成例不關

圍邑耳或問曰外諸侯相伐甚多其圍邑者四處而已

魯一國而被伐圍邑亦四何也竝見外入伐門答曰內事詳故

多外事不告則不書故少不足疑也

內入

隱二年夏無駭帥師入極 十一年秋七月壬午公



及齊侯鄭伯入許

桓二年九月入杞

僖二十七年秋公子遂帥師入杞

襄十二年春季孫宿帥師救郕遂入鄆鄆莒邑

哀七年八月己酉入邾以邾子益來

外入

隱二年夏五月莒人入向 五年秋衛師入邾 十

年秋宋人衛人入鄭 冬十月壬午齊人鄭人入

邾

莊十四年秋七月荆入蔡

閔二年十有二月狄入衛

僖二十年夏鄭人入滑 二十八年三月丙午晉侯

入曹 三十三年春王二月秦人入滑

文五年夏秦人入郿 十五年夏晉卻缺帥師伐蔡

戊申入蔡趙子曰入而言伐言伐之不服而後入也所以兼惡蔡言晉本不欲入故與諸

入不冬齊侯侵我西鄙遂伐曹入其郛同也

宣十一年冬丁亥楚子入陳

成七年秋吳入州來 九年冬楚人入鄆

襄二十五年六月壬子鄭公孫舍之帥師入陳

昭十八年六月邾人入郕



定四年冬十一月庚午蔡侯以吳子及楚人戰于柏舉楚師敗績楚囊瓦出奔鄭庚辰吳入楚 五年

夏於越入吳

哀八年春正月宋公入曹以曹伯陽歸 十三年夏於越入吳

趙子曰入者公羊所謂得而不居是也左氏曰弗地曰入言入其國而不有其地按侵伐圍滅等亦是不有其地何獨於入云爾乎穀梁曰入內不受也按侵伐圍滅皆用兵之事安有彼國願受之乎獨隱五年我入邠義與歸入之入同言不當入也與用兵之入不同

滅

莊十年冬十月齊師滅譚譚子奔莒 十三年夏六

月齊人滅遂

僖二年夏虞師晉師滅下陽

趙子曰言號之罪由於虞於此書滅以惡虞也

義見本傳

五年秋楚人滅弦弦子奔黃 十年春秋

滅温温子奔衛 十二年夏楚人滅黃 十七年

夏滅項

魯滅之也

二十五年正月丙午衛侯燬滅邢

滅同姓故名

二十六年秋楚人滅夔以夔子歸

趙子曰楚

滅同姓夔失國隨敵人俱不名者莫得而知之也時未與魯通也

文四年秋楚人滅江 五年秋楚人滅六 十六年



秋楚人秦人巴人滅庸

宣八年夏楚人滅舒蓼 十二年冬十二月戊寅楚

子滅蕭 十五年六月癸卯晉師滅赤狄潞氏以

潞子嬰兒歸 趙子曰所以書名也與魯近晉盟主來告知而書之故與夔異也

十六年春正月晉人滅赤狄甲氏及留吁

成十七年冬楚人滅舒庸

襄六年秋莒人滅鄆 十有二月齊侯滅萊 十年

春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柤 夏五月甲午

遂滅偃陽 二十五年楚屈建帥師滅舒鳩

昭四年秋七月楚子蔡侯陳侯許男頓子胡子沈子

淮夷伐吳執齊慶封殺之遂滅賴 八年冬十月

壬午楚師滅陳 十一年冬十一月丁酉楚師滅

蔡執蔡世子有以歸用之 啖子曰稱執者內繫之也趙子曰稱用者義同

僖十九年邾人用鄆子傳 十三年冬吳滅州來 十七年八

月晉荀吳帥師滅陸渾之戎 二十三年秋七月

戊辰胡子髡沈子盈滅 二十四年冬吳滅巢

三十年冬十二月吳滅徐徐子章羽奔楚 啖子曰徐子名

者初已自服吳子吳子唁而送之非能自奔也

定四年夏四月庚辰蔡公孫姓帥師滅沈以沈子嘉



歸殺之

啖子曰書殺言蔡罪甚也

六年正月癸亥鄭游速帥

師滅許以許男斯歸

十四年二月辛巳楚公子

結陳公孫佗人帥師滅頓以頓子牂歸

十五年

二月辛丑楚子滅胡以胡子豹歸

啖子曰凡滅國直書滅者罪來滅者甚於見滅者

楚子滅蕭

衛侯燬滅邢之類是也

言力屈而死故也凡書滅又書其君奔者

譚子奔莒莒子奔黃之類

則兩罪之且責其不死社稷也諸侯失地

則名

諸侯奔例書名

國滅而奔者何以不名

自發其問以辨其疑

既書其

滅罪已昭矣緣隨敵人歸者書名以重其罪故奔者不

名以示等差也凡書滅又書以歸及書名者罪重於奔

者也既責其不死位又責其無興復之志也

楚滅頓以頓子牂歸

楚滅胡以胡子豹歸之類

奔所以不名者位或未絕也以歸者則位

必絕矣國滅君奔者四其三不書名

譚子奔莒莒子奔黃溫子奔衛是也

唯徐子章羽書名傳以服吳後乃奔楚故依以歸例書

名以罪之

左氏曰吳滅徐徐子斷其髮攜夫人以逆吳子吳子唁而送之使其邇臣從之遂奔楚也

隨之以歸者皆名之

言不復為人君也夔子不名變例也已具上注

趙子曰凡覆邦絕祀曰滅其惡著矣皆罪之也

此解直書滅其

君死者也言非但來滅者之罪亦見滅者無德所致

左氏曰用大師焉曰滅竊謂

但敗而絕祀則書滅何必大師乎春秋用大師多矣何

不盡書滅乎公羊曰滅上下同力者也據侵伐圍襲未



必不同力也豈止滅乎又曰亡國之善辭豈有絕祀而得稱善辭者哉此直當滅亡之文耳至於惡更深者則更異其文以彰罪重以前啖子諸例是也

滅同姓

僖二年夏虞師晉師滅夏陽

趙子曰不名虞晉號未滅也義見本傳

二十五年春正月丙午衛侯燬滅邢 二十六年

秋楚人滅夔以夔子歸

趙子曰楚夔俱不名以遠國義見本傳

啖子曰凡諸侯滅同姓則名之衛侯燬是也三傳意同變例者已具上注

得國不書滅

莊四年夏紀侯大去其國 十年三月宋人遷宿

三十年秋七月齊人降鄆

閔二年春正月齊人遷陽

僖二年夏徐人取舒

五年冬晉人執虞公

趙子曰以不絕

祀故不稱滅義見本傳

二十一年春公伐邾取須句

宣九年秋取根牟

成六年春取鄆

襄十三年夏取邾

昭四年九月取鄆

趙子曰凡得國而不言滅者

諸取國及遷降之類

不絕其祀也

以為



附庸又曰紀侯使弟以國屬齊為附庸宿及陽遷入封內為附庸鄆則降服為附庸虞則以君被執遂屬為附庸諸言取者竝為有所繫屬而取之也但為得之事異所以異辭耳其義各見本傳

內取田邑 歸田邑附

隱八年三月鄭伯使宛來歸郕 十年六月壬戌公

敗宋師于菅辛未取郕辛巳取防

僖二十二年春公伐邾取須句 二十六年公以楚

師伐齊取穀 穀梁云言以不當以也 三十一年春取濟西

田 案原本此下重出三十一 三十三年夏公伐 年春取濟西田之文今刪

邾取訾婁

文七年春公伐邾三月甲戌取須句 啖子曰書日月者明不因伐而

取也趙子日本非魯地嘗為魯取之中間卻為邾取皆不書之例見於後不復繫於邾者省文從可知也

宣四年春公伐莒取向 九年秋取根牟 啖子云不分其國邑

十年春齊人歸我濟西田 秋公孫歸父帥師

伐邾取繹

成二年秋取汶陽田 六年春取鄆 啖子云不分其國邑

襄十三年夏取郟 十九年春取邾田自漵水

昭元年三月取鄆 四年九月取鄆 三十二年春



取闕也

定十年夏齊人來歸鄆謹龜陰田

哀二年春二月季孫斯叔孫州仇仲孫何忌伐邾取

遡東田及沂西田 八年夏齊人歸謹及闡

外取邑

隱四年春二月莒人伐杞取牟婁 六年冬宋人取

長葛

去年伐鄭圍長葛故此不重言鄭從省文也

十年秋宋人蔡人

衛人伐戴鄭伯伐取之

僖三年夏徐人取舒

啖子曰凡先言伐國下言取邑者明其國之邑也伐莒

取向伐杞取牟婁之類是也伐邾取須句亦同如取郟

取防上言敗宋師則宋邑可知也又曰凡取田者得其

土田而不得其國邑也歸田亦然

趙子曰凡力得之曰取

或是邑或是附庸力得之故曰取取師義亦同也

不當

取也

言取見其不當取也

不是其專奪雖復取本邑亦無異辭

其

本是我邑及我附庸為彼所奪之後卻取得當異其文謂其不能申明直辭請於王以正疆理但專以兵爭奪不得正道故左氏云凡書取言易也穀梁亦曰取易辭

也按取者收奪之名何關難易假令取之難而得之欲

如何書之乎又云凡克邑不用師徒曰取今經文見云

伐何得云不用師徒乎今謂凡係屬外而我克有之不



論難易一切稱取其言伐某取某者是用師徒也取者或以師威逼或招收而得之既不侵伐方可是不用師徒耳然取之非正皆為力得春秋之義在辨其得之邪正若得合宜則不言取固不當唯以師徒為例又曰凡內取之邑不繫國者皆本是魯邑曾為外國所奪今卻取之既是本國邑不可繫之他國耳又曰凡有邑稱邑諸取邑歸邑皆是也無邑稱田公羊曰田多邑少稱田邑多田少稱邑按田繫於邑若有邑則稱邑舉重也無邑自然稱田皆據事實耳

外取內田邑

宣元年六月齊人取濟西田宣公賂齊

成八年春晉侯使韓穿來言汶陽之田歸之于齊

昭二十五年十有二月齊侯取郕居昭公也

哀八年夏齊人取讎及闡魯不與季姬故怒而取二邑也

趙子曰凡外取田邑多不書所繫取於我也不言我諱之也失邑大事故諱以示譏其不書者非我封也春秋時相侵奪田邑及附庸者

多據魯取外邑凡二十二其被外取者唯三耳且魯非強霸不應如此蓋當時側近小國竝被列國收為附庸其被取者本非魯邑不可繫之于魯若書之則與本封無異故悉不書之是魯本封乃書而此書之謂濟西田記喪守地為失故內取悉書可別知也言伐某取某即彼田邑若不繫於外則本魯邑可穀梁但師資相傳知有外分別而知故一切書之也



邑不書之義而不知其非魯本封之故遂云內不言取言取授之也言我以賂外者乃書之且以賂外者是內之罪也以強取者是外之罪也若賂者則書而被兵取者不書斯乃掩外之惡揚內之醜考之情理豈然乎且疆邑社稷之本若失而不書豈成史冊故知穀梁之說非也

取師

哀九年春宋皇瑗取鄆師于雍丘

趙子曰不言帥師闕文也

十

三年春鄆罕達帥師取宋師于岳

趙子曰凡悉俘之曰取某師

取者悉俘虜之故不言敗

左氏曰覆而

敗之曰取某師按取者得之之稱若但敗之彼不死者則走歸何名爲取則當書云敗某師耳不當云取也公穀竝云取易辭也按經以得爲義故名爲取不論難易假令用力甚難而悉取得豈得不名爲取哉

啖云取以得爲義三

傳之說竝未安

救

莊六年春正月王人子突救衛

救公子黔牟也

二十八年

秋公會齊人宋人救鄭

閔元年春正月齊人救邢

僖元年春正月齊師宋師曹師次于聶北救邢

公穀竝云



救不當次

六年秋諸侯遂救許 十五年春公孫敖

帥師及諸侯之大夫救徐

上會杜 上諸侯

十八年夏師

救齊 狄救齊 二十八年春楚人救衛

文三年冬晉陽處父帥師伐楚以救江 九年春公

子遂會晉人宋人衛人許人救鄭

宣元年秋晉趙盾帥師救陳 九年冬晉卻缺帥師

救鄭 十二年冬衛人救陳

成六年冬晉欒書帥師救鄭 七年秋公會晉侯齊

侯宋公衛侯曹伯莒子邾子杞伯救鄭

襄五年冬公會晉侯宋公衛侯鄭伯曹伯莒子邾子

滕子薛伯齊世子光救陳 十年冬楚公子貞帥

師救鄭 十二年春季孫宿帥師救台遂入郕

二十三年八月叔孫豹帥師救晉次于雍榆

啖子曰先

書救明魯君之命也 後言次罪叔孫豹

哀七年冬鄭駟弘帥師救曹 十年冬吳救陳

啖子曰救者救其患難凡救患皆為美也凡救當奔命

而往救次失救道也公羊穀梁云救不言次言次非救

此說是也救邢之師譏不速赴故先書次于聶北而救

邢竟得其援故又言救邢

言有成事

又救晉之師君命往救

而叔孫次止故先書救晉明魯君之命也下言次于雍



榆罪叔孫也

次

莊三年冬公次于郎 八年春師次于郎以俟陳人

蔡人 十年夏六月齊師宋師次于郎 三十年

夏師次于成

僖元年春正月齊師宋師曹師次于聶北救邢 十

五年三月公會齊侯宋公陳侯衛侯鄭伯許男曹

伯盟于牡丘遂次于匡

文十年冬楚子蔡侯次于厥貉

襄元年仲孫蔑會齊崔杼曹人邾人杞人次于郟

二十三年八月叔孫豹帥師救晉次于雍榆

定九年秋齊侯衛侯次于五氏 十三年春齊侯衛

侯次于垂葭 十五年夏齊侯衛侯次于蘧蔭

趙子曰凡師駐曰次惡興師也

言非奉王伯之命以討罪救亂則不當興之惡

其興師無名故書次以譏之

兵者亂之大者也次猶不可

次者無所用但次止

耳經猶

况侵伐乎

言小猶戒之况其大者

唯莊八年次于郎以俟

陳人蔡人俟寇以免其譏耳即明無寇而次是欲自為

寇也皆譏之也左氏云凡師一宿為舍再宿為信過信

為次按經無信舍之文此例亦妄也公穀解次悉云有

畏非也夫子意在刺其無王命而興師書之以懲亂耳



豈譏其怯懦哉若譏其怯懦則當褒其勇者春秋乃鼓亂之書也決無是理

遷

莊元年冬齊師遷紀邢鄆郛

啖子曰齊欲滅紀故遷其三邑趙子曰遷邑唯

此一處與諸遷國不同例也

十年三月宋人遷宿

穀梁云其不地宿不復見

閔二年春正月齊人遷陽

義與上同

僖元年夏六月邢遷于夷儀

三十一年十二月衛

遷于帝丘

成十五年冬許遷于葉

昭九年春許遷于夷 十八年冬許遷于白羽

定四年夏許遷于容城

哀二年十一月蔡遷于州來

啖子曰凡書遷者有二義如宋人遷宿齊人遷陽之類是移其國於國中而為附庸也公羊云遷之者非其意也被人強遷之耳此說是也如邢遷于夷儀衛遷于帝丘之類或自請遷或見強遷皆猶為列國故不言某人遷之言所遷之地但言其移國都而已非為附庸也公羊云遷者其意也言其意自欲遷此說是也

趙子曰凡非所遷而遷之

非其已邑而遷也

其惡著矣

凡遷他邑他國



都必知非也又曰能以國遷曰某遷邢遷于夷儀之類也言存為列國徙而臣之曰遷某移入封內以為附庸也宋人遷宿之類

興兵雜事

隱元年夏五月鄭伯克段于鄆

啖子曰克者君戮臣之稱也臣不當敵君故變其文

襄二十三年冬齊侯襲莒

趙子曰掩其不備曰襲此兵家舊說義備故依之左氏云輕曰襲若不掩擊輕兵侵掠不得云襲

莊十八年夏公追戎于濟西啖子曰去社稷遠追戎危公

僖二十六年齊人侵我西鄙公追齊師至鄆弗及子趙

云寇至不知追而不及言內之無戒備也

啖子曰追者寇已去而躡之也

僖二十八年春公子買戍衛不卒戍刺之

襄五年冬戍陳十年冬戍鄭虎牢

啖子曰戍者以兵守之也

莊三十年秋齊人降鄆

啖子曰凡服從內附曰降言內附為附庸不言滅不絕祀也不言取異乎有繫也不言鄆降降由於齊也

桓七年二月己亥焚咸丘

公羊云以火攻



僖十九年冬梁亡

三傳云自取滅亡故不書滅而以自亡為文其實亦因秦取之乃亡也

莊十七年夏齊人殲于遂

啖子曰殲者自滅之義不言遂人殲之言齊人自取其殲也

閔二年冬鄭棄其師

啖子曰罪其不以禮退臣臣謂高克故特異其文

昭元年秋叔弓帥師疆鄆田

趙子曰凡疆田而有帥師者皆有難也城亦同此文十二年

季孫行父帥師城諸及鄆之類

莊八年秋師還

趙子曰凡師還告廟則書重之也用師國之安危所繫故重之記其

是以著其非也記此則他時不告者皆失禮可知也又以二百四十二年

唯一處書師還告廟義可疑也

春秋啖趙集傳纂例卷五

南海廖廷相番禺劉昌齡王國瑞校字



春秋啖趙集傳纂例卷六

唐陸淳纂

都敘會例第十八

啖子曰凡朝聘盟會用兵皆有會例今總論之非朝聘  
 盟會用兵亦有列爵位之處同用此例天子大夫士雖  
 微亦在諸侯上尊王室也信八年公會王人齊侯云云盟于洮之類是也盟會  
 則會主為首用兵則主兵者為首不以班爵也附庸主兵亦  
 在列國上邾人鄭人伐宋是也在隱五年大夫主兵則不在  
 諸侯上會荀偃是也襄十六年叔老會鄭伯荀偃云云伐許之類是也餘皆以  
 國小大為次當時失禮故不依爵命夷狄常在中國下



義可知也齊太子光或在小國上非禮也故因書以示

譏卿未王命者曰某人而在既命者下向之會在襄十四年

齊人宋人在衛北宮括鄭公孫蠆上澶淵之會在襄二十六年

晉人在鄭良霄上非禮也故因書以示譏陳本在衛下

齊桓霸後莊十五年乃序衛上蓋齊桓以其近楚故優寵

之令來屬也杜元凱云或問曰諸侯之會先後何如荅

曰左氏云叔孫豹曰宋衛吾匹也又曰諸侯之會寡君

未嘗後衛君據此魯在衛上宋先代之後其國又大襄

公復會一合諸侯則衛當次在宋下凡朝聘同時至同

行禮則列序之滕侯薛侯是也隱十一年前一後不同行

禮則各書之穀伯鄧侯是也桓七年穀伯緩來朝鄧侯吾離來朝故穀梁

云殖言同時也謂四時之時也累數皆至也是也凡會盟以國

為地者國主亦與會桓二年蔡侯鄭伯會于鄧襄二省

文從可知也

趙子曰凡盟會侵伐城等前已列序而又須重言者皆

前日後凡前目謂列序宋公鄭伯杞子之類後總言諸侯從可知也凡公再與他國

序謂已會畢又盟則但言諸侯盟于首止僖五年公及齊侯云

諸侯盟于首止義同首止在僖九年之類是也魯卿再與他國

序則再言其名豹及諸侯之大夫盟襄二十七年叔孫

建云云于宋辛巳豹及諸侯之大夫公則無二也不假



公皐鼫之盟再序獨言公者以盟會異處定四年三月公會劉子晉

侯于召陵侵楚五月公及諸侯盟于皐鼫即召陵諸侯也故須言公以審之重丘之

盟襄二十五年公會晉侯宋公云云于夷儀八月諸侯同盟于重丘即夷儀之諸侯盟會亦異

處不言公者以言同盟並會可知也言同則與會者皆盟也凡召

盟而後至則曰會盟鄆子是也僖十九年宋人曹人邾人盟于曹南鄆子會盟

于召伐而後至則曰會伐單伯會伐宋是也莊十四年齊人陳人曹人伐宋單伯會伐宋是也

凡歸未及國而會圍則曰遂曹伯遂會諸侯圍許是也僖二十八年公會晉侯云云于温時曹伯襄被執晉文釋之遂會諸侯也亦

為已舉諸侯故但書會從省文也屈完不言會者僖四年會齊侯宋公云云伐楚次于陘屈完來盟于師本非召盟又非其君使請盟故

特異其文凡非召盟而來既會乃謀盟則先言如會如師後乃言盟袁僑襄三年公會單子晉侯云云同盟于雞澤陳侯使袁僑如會戊寅叔孫豹云云及陳國佐成二年季孫行父會晉郤克云云及齊侯戰于鞏齊師敗績齊侯使國佐如師

已酉及國佐盟于袁婁之類是也凡他國自盟會多不書卿名唯昭二

十七年晉士鞅宋樂祁犁衛北宮喜曹人邾人滕人會于扈定十年冬齊侯衛侯鄭游速會于安甫書名餘皆

不書謂告辭例不具其名于扈會為納公昭公故獨具安甫則不詳其事迹三傳俱無事迹然則外盟會不書卿名者乃

是其常而左氏妄為義說左氏見外盟會書人者多言貶何不尋前後大例乎征伐會盟自僖公以前諸國卿書名者至少文



公之後則多也成公之後齊晉宋衛陳蔡鄭等七國唯  
三兩會書人餘竝書卿名蓋東周之初諸國皆不請命  
及霸者漸興則多請命以爭長又遠事難詳或有遺落  
所謂傳聞異辭也文宣間三十年中經書人者多矣左  
氏言其名氏而言貶之以他時雖有此類不書爲義說  
夫子豈於此時偏貶諸卿又貶之而不名是隱其惡也  
何名貶乎凡魯與一兩國盟及用兵而言及者乃是魯  
爲之主說在盟例若諸國大會而盟及用兵悉是盟主所召  
故往就之非魯起意故悉不言及唯僖四年云及江人  
黃人伐陳是齊所命以伐我及江黃人同行耳非魯主

也據上言齊人執轅濤塗義即可知又僖五年公及齊  
侯宋公會王世子于首止尊王世子齊不敢爲會主故  
不言會齊侯而言及也竝變例也凡外諸侯自盟及侵  
伐皆以謀主居首義即可知無會及之異唯三十三年  
晉人及姜戎敗秦師于殽者衍及字耳僖三十二年衛  
人及狄盟緣就狄國中不可言衛人盟于狄故也凡魯  
會盟主之盟謂大會也若於會日便盟者卽但云某日公會  
某侯盟于某若旣行會禮別日又集而盟則書日以隔  
之以明會後更盟也文十四年公會宋公云云  
癸酉同盟于新城是也與他國  
戰亦然凡戰伐例書日若不  
會某及某戰成二年鞏戰是也若先行會禮別



日合戰則書日以隔之桓十三年公會紀鄭及齊戰是也若魯與他國同侵伐不行會禮而便侵伐者則但言會某伐某桓十六年公會宋公伐鄭之類也若成會禮而後往伐則書曰會于某伐某桓十五年公會宋公云云于衰伐鄭之類是也此竝略舉大綱以示常例但文異者即皆有義各自見本傳矣

軍旅例第十九

桓六年秋八月壬午大閱三傳云閱兵車也穀梁又云平而修戎事非正也莊八年春甲午治兵穀梁云治兵而陳蔡不夏師及齊師圍郕郕降于齊師秋師還以告廟故書記是以著非三十一年六月齊侯來獻戎捷當為齊人文誤

僖二十一年冬楚人使宜申來獻捷左氏云諸侯不當相遺俘公羊

云貶楚子詐宋故稱人同年上有伐宋知是宋捷故不言宋

成元年三月作丘甲穀梁云甲非人人之所能為令丘作甲譏之也

襄十一年春王正月作三軍公穀皆云不當作也

昭五年春王正月舍中軍譏作舍自己也

啖子曰凡軍旅國之所以安危也故紀其善否焉統綸書軍旅之意觀民以定賦賦不過什一量賦以制用於是經之以文

董之以武使文足以經綸武足以禦寇故靜以自保則為禮樂之邦動而救亂則為仁義之師是以天子六軍軍亦師也萬二千五百人為軍二千五百人為師傳大或稱六軍或六師蓋六卿分管為名人數不必常定



國三之一謂置二軍小國半大國謂一軍也數不必常所以示稱

也言軍數與人力相稱因蒐狩以訓之習武備也有事則聚之無事則

散之今政弛民困而增虛名以奉私欲危亡之道也譏作

軍三

蒐狩例第二十

昭八年秋蒐于紅非時也十一年夏大蒐于比蒲

二十二年春大蒐于昌閒

定十三年夏大蒐于比蒲 十四年秋大蒐于比蒲

已上譏失禮而大為之

啖子曰蒐閱車馬逐田獵示威武也公羊曰蒐簡車徒

是也蒐狩合禮者常事不書非時及越禮而為之則書以示譏也或曰言春包今之正月言夏包今之二月三月皆不失時也書春秋者非時也

桓四年春正月公狩于郎公羊云譏遠也

莊四年冬公及齊人狩于郕與鄰國臣狩非禮也况離國乎

僖二十八年冬天王狩于河陽為晉文避召天王之名也三傳意同

哀十四年春西狩獲麟西狩常事為麟故書之

趙子曰四時之田其事各殊其名亦異春以閱武擇材故以蒐為稱夏以為苗除害故以苗為名秋則順天時以殺物故以獮為義冬則因守禽獸以習戰故以狩為



目左氏曰春蒐夏苗秋獮冬狩是也周禮爾雅並同此說公羊則曰春日苗秋曰蒐冬曰狩穀梁則曰春日田夏日苗秋日蒐冬日狩公羊穀梁冬狩秋蒐並同而苗則公羊在春穀梁在夏公羊則夏時無名穀梁則春日田田者四時獵之總名不當專在於春故非也公羊之義夏時務農不苗然則自非警急及有獸害苗則不苗也

賦稅例第二十一

宣十五年秋初稅畝

公羊云譏履畝而稅之也

成元年三月作丘甲

公羊云唯工人解作甲使丘作甲非也

哀十二年春用田賦

以田多少出軍賦也

趙子曰賦稅者國之所以治亂也故志之

統綸書賦稅之意民

國之本也取之甚則流亡國必危矣故君子慎之

有國者慎

賦稅

興作例第二十二

城及築臺圍五城邑二十四

隱七年夏城中丘 九年夏城郎

桓五年夏城祝丘 十六年冬城向

莊元年秋築王姬之館于外 二十八年冬築郕

二十九年冬城諸及防 三十一年春築臺于郎

夏築臺于薛 冬築臺于秦 三十二年春城



小穀

在它國例

僖二年春城楚丘

在它國例

文七年春遂城郟 十二年冬季孫行父城諸及鄆

宣八年冬城平陽

成四年冬城鄆 九年冬城中城 十八年秋築鹿

囿

襄七年夏城費 十三年冬城防 十五年夏季孫

宿叔孫豹帥師城成郟 十九年冬城西郟城武

城

昭九年冬築郎囿

定六年冬城中城 十三年夏築蛇淵囿 十四年

城莒父及霄 十五年冬城漆

哀三年夏季孫斯叔孫州仇帥師城啟陽

有晉難也

四

年夏城西郟 五年春城毗 六年春城邾瑕

襍興作

七

莊九年冬浚洙 二十九年春新延廢

僖二十年春新作南門

左氏云不時穀梁云議加其度

文十六年秋毀泉臺

公羊云先祖為之已毀之不如勿居而已

定二年冬十月新作雉門及兩觀 十二年夏叔孫

州仇帥師墮郟

義見下文

季孫斯仲孫何忌帥師墮



費

公羊云夫子之謀又云墮正也

啖子曰凡土功皆當以農隙之時若有難亦有非時城者非得禮也穀梁云凡城之志皆譏也此說非也凡城國之急也但問時與不時不應一切是譏浚洙作兩觀延廡之類皆當從土功之時王姬之館以非常不論不時也新作南門左氏云不時也凡啟塞從時謂作門戶為啟當用春分以後城郭為塞當用秋分以後順天時以開閉也延廡莊二十九年春又曰不時也凡馬日中而出日中而入謂春分秋分亦言馬春分入廡秋分入牧縱馬合依時出入新廡何妨用農隙之時既非開閉之物又何象

乎故皆不用此義墮費及郕毀泉臺亦以非常書毀全除之也墮但損之令不周爾城與築義見凡例篇

城他國

莊三十二年春城小穀

左氏云為管仲城之不繫齊非為齊也說具本傳註中

僖元年夏六月齊師宋師曹師城邢

來告故書

二年春

王正月城楚丘

穀梁云楚丘衛邑也

十四年春

諸侯城緣陵

前年會鹹之諸侯不列序前日也緣陵杞邑也不言杞與楚丘同

襄二年冬遂城虎牢

襄二十九年夏仲孫羯會晉荀盈齊高止宋華定衛

世叔儀鄭公孫段曹人莒人邾人滕人薛人小邾



人城杞

昭三十二年冬仲孫何忌會晉韓不信齊高張宋仲幾衛世叔申鄭國參曹人莒人邾人杞人小人

邾人城成周

啖子曰凡興作必書重民力也動眾則皆書之觀其時而是非

昭矣書春秋夏則知非時書春秋冬則知得時凡外興作春秋不書關於魯及

來告故書之

改革例第二十三

隱五年九月考仲子之宮初獻六羽義見郊廟例

文二年八月丁卯大車于太廟躋僖公義見郊廟例

宣十五年秋初稅畝義見賦稅例

成元年三月作丘甲義見賦稅例 六年二月辛巳立武

宮義見郊廟例

襄十一年春王正月作三軍義見軍旅例

昭五年春王正月舍中軍義見軍旅例

定元年秋立煬宮義見郊廟例 八年冬從祀先公義見郊廟

例

哀十二年春用田賦義見賦稅例

趙子曰凡變常之事皆書公穀皆云用者不宜用也用田賦是也作者不宜作也作三軍是也立者不宜立也



立武宮煬宮是也凡改舊而遂以為常者則曰初稅畝及六羽是也言自此始而常行也躋僖公作三軍不言初者暫作暫用非常行也又云法者以保邦也中才守之久而有敝况淫君邪臣從而壞之哉故革而上者比於治革而下者比於亂謂從逾制察其所革而興亡兆矣此統論春秋中凡改革事悉書之意

慶瑞例第二十四

桓三年冬有年

公羊云僅有年

宣十六年冬大有年

公羊云豐年也

哀十四年春西狩獲麟

趙子曰符祥者天地所以答人也是以志之

統綸書符瑞之意國

有政理則神祇答之以祥驗也至如獲麟則孔子之應祥非為魯也

凡豐年告于宗廟勤

民而敬先也

見其告廟則表其憂念人庶尊敬祖考之心

故書之記是以著

非也

告廟為是故書之則知不書為不告非也

公羊云喜有年按合禮故書

以表他年之不書為怠慢此存禮以示後世豈獨為喜

哉二百四十二年唯兩度書之足知他年不告廟耳不

應豐年如此之少也

災異例第二十五

日食

三十

隱三年春二月己巳日有食之



桓三年秋七月壬辰朔日有食之既 十七年冬十月朔日有食之

莊十八年春王三月日有食之 二十五年六月辛未朔日有食之鼓用牲于社 二十六年冬十二月癸亥朔日有食之 三十年九月庚午朔日有食之鼓用牲于社

僖五年九月戊申朔日有食之 十二年春三月庚午日有食之 十五年夏五月日有食之

文元年二月癸亥日有食之 十五年六月辛丑朔日有食之鼓用牲于社

宣八年秋七月甲子日有食之既 十年夏四月丙辰日有食之 十七年六月癸卯日有食之

成十六年六月丙寅朔日有食之 十七年十二月丁巳朔日有食之

襄十四年二月乙未朔日有食之 十五年秋八月丁巳日有食之 二十年冬十月丙辰朔日有食之 二十一年九月庚戌朔日有食之 十月庚辰朔日有食之 二十三年春王二月癸酉朔日有食之 二十四年七月甲子朔日有食之既 八月癸巳朔日有食之 二十七年十二月乙亥



朔日有食之

昭七年四月甲辰朔日有食之十五年六月丁巳

朔日有食之十七年六月甲戌朔日有食之

二十一年七月壬午朔日有食之二十二年十

二月癸酉朔日有食之二十四年五月乙未朔

日有食之三十一年十二月辛亥朔日有食之

定五年春三月辛亥朔日有食之十二年十一月

丙寅朔日有食之十五年八月庚辰朔日有食

之

宣八年地震

文九年九月癸酉地震

襄十六年五月甲子地震

昭十九年五月己卯地震二十三年八月乙未地

震

哀三年四月甲午地震

震電

隱九年三月癸酉大雨震電

僖十五年九月己卯晦震夷伯之廟

山崩

僖十四年秋八月辛卯沙鹿崩



成五年夏梁山崩

星異

莊七年夏四月辛卯夜恒星不見夜中星隕如雨

子

日為奔流者眾如雨之多詩曰眾多如雨傳曰謀臣如雨皆言多也

昭十七年冬有星孛于大辰

又十四年有星孛入于北斗

哀十三年冬十一月有昆孛于東方 十四年冬有

星孛

案此條左氏錄魯史之文陸氏列入之誤

火災

桓十四年秋八月壬申御廩災

莊二十年夏齊大災

僖二十年五月乙巳西宮災

宣十六年夏成周宣榭火

趙子曰以樂器之所藏見周之所司無人焉示譏焉

耳

成三年二月甲子新宮災三日哭

襄九年春宋災 三十年五月甲午宋災

昭九年夏四月陳災 十八年夏五月壬午宋衛陳

鄭災

定二年夏五月壬辰雉門及兩觀災

哀三年五月辛卯桓宮僖宮災 四年六月辛丑亳

社災



大水

桓元年秋大水 十三年夏大水

莊七年秋大水 十一年秋宋大水 二十四年秋

大水 二十五年秋大水鼓用牲于社于門

宣十年秋大水

成五年秋大水

襄二十四年秋大水

大雨雹

僖二十九年秋大雨雹

昭三年冬大雨雹 四年春王正月大雨雹

大雨雪

隱九年三月庚辰大雨雪

桓八年冬十月雨雪

僖十年冬大雨雪

無冰

桓十四年春無冰

成元年二月無冰

襄二十八年春無冰

雨木冰

成十六年春王正月雨木冰



不雨

莊三十一年冬不雨

趙子曰凡經時不雨告廟則書

僖二年冬十月不雨

三年春王正月不雨

夏四

月不雨

文二年自十有二月不雨至于秋七月

十年自正

月不雨至于秋七月

十三年自正月不雨至于

秋七月

大旱

僖二十一年夏大旱

宣七年秋大旱

蝻

桓五年秋蝻

杜預曰蝻蟥之屬按爾雅蝻蟥乃斯蝻俗呼踏踏未知是何物

僖十五年八月蝻

文三年秋雨蝻于宋

趙子曰自空而下又多相似雨耳有雨毛雨血雨土皆此類穀

梁義非

八年冬蝻

宣六年八月蝻

十三年秋蝻

十五年秋蝻

襄七年八月蝻

哀十二年十二月蝻

十三年九月蝻

十二月蝻

螟

隱五年九月螟

八年九月螟



莊六年秋螟

饑

宣十年冬饑 十五年冬饑

襄二十四年冬大饑

麋

莊十七年冬多麋

蝥

宣十五年冬蝥生

蜚

莊二十九年秋有蜚

蝥

莊十八年秋有蝥

隕石

獨退飛

僖十六年春王正月戊申朔隕石于宋五是月六蠲

退飛過宋都

鸛鵒

昭二十五年夏有鸛鵒來巢

霜

僖三十三年十二月隕霜不殺草李梅實

定元年冬十月隕霜殺菽



無麥禾無麥

莊七年秋無麥苗 二十八年冬大無麥禾

已上陸渚辭亡

案陸渚字誤當作啖趙它篇多言啖趙之辭亡也

春秋啖趙集傳纂例卷六

南海廖廷相番禺劉昌齡王國瑞校字



